

CO,  
NO  
5  
A

Sächsische

3

A


6376

Landesbibl.




40. 40 ↑ 400,





# Das heilig leben und

legend des seligen Vatters Bennonis  
weylund Bischoffen tzu Meyssen: ge-  
macht vñ in das tewtsch gebracht: durch Jerony-  
mū Emser.



Der Durchlauchten Hochgebornē Ifurstin vñ  
frawen/ ifrawen Barbara/ geborn aus Königl  
chem Stamme tzu Poln / Hertzogin tzu Sachst  
sen/ Landgraffin in Thoringen/ vnd Marggra  
fin zu Meyssen zc. Meyner gnedigem ifrawen/  
Embriet ich Jeronym<sup>9</sup> Emjer/ der heilige Recht  
Licentiat vñnd Magister/ meyn vnderthanig/ ge  
horsam/ schuldig vñ willig dinst/ tzu voran / Gne  
dige ifraw vnd Landesfurstin/ Wiewol alle tuget  
vnd eigenschafft/ die ein adeliche/ erenthreyche/ vñ  
lobesame Ifurstin an ir haben sol/ bey ewern furst  
liche genadē haußend erfunden/ vñ gar keyn man  
gel erscheynet/ weder inwendig an dem gemuthe/  
oder außwendig am leyb/ Weder an gestalt noch  
geberde vñ gute sitten/ So vbertrifft doch/ meyns  
bedenckens/ die andern all/ der grosse vleys/ mñue  
vnd sorgfelickeit/ zu dem lob gotes/ tzierung seyner  
gotlichen heroser/ vñnd mherung seyner dinstes/  
darinne ewer furstlich genade/ nicht alleyn keyner  
darstreckung tzeytlicher gutter/ sonder auch keyner  
mñue noch arbeit/ dasselbig mit iren eigen henden  
selbs tzu machen vnd tzutzerichten/ bedawrt oder  
beschweret. Tzu dem allem/ das auch hoch tzu ro  
men vnd tzu breysen/ das Ewer Ifurstlich genad/  
die heiligen tag ( an welchen die leylich arbeit  
vorbotten ) nach vorbringung der gotliche ampter/  
mit keyner leychefertigkeit/ Sonder alleyn mit lesenn  
geistlicher bucher vnd himelischer ding ( daran vn  
ser selikeit hanget ) vortreybet vnd tzubringt. Der  
halben/ vnd die weyl mir/ solcher ewer furstlichen  
genaden vleys/ lust/ vnd lib/ tzu gotlichen dingen/  
aus langweriger dinstlicher beywonung/ vñ vor  
borgen/ Hab ich/ das heilige leben des seligen Va  
ters Bennonis weylund Bischoffes tzu Meyssen

Sächsische  
Landesbibliothek

8. JUNI 1981

Dresd

6

(Das ich vorhin Ewer fürstlichen genaden Herrn  
vnd gemahel Meynem gnedigen Herrn Hertzog  
Georgen zc in der Latinschen Spracht geschri-  
ben) itzo auch in vnser tew: sch getzung auff das  
furtzest aufgezogē vnd vorandert/ mit anhengūg  
etzlicher globwürdiger vnd gewisser/ alter vñ narw-  
er mirackel/ die der selige Vater/ durch seyn grossen  
vordinst bey got/ wider den gemeynen louff der na-  
tur/ von der stund seynes todes/ bis auff disen hu-  
tigen tag vnableszlich vnd wunderbarlich gewur-  
cket/ Vnd also/ all seyn thon vnd lassen bey lebē vñ  
nach seynē abgang ( sovil ich desselben bis hieher  
erfahren ) von dem Lawset vnd tzecheden iare / dar-  
in er an dise werldt geboren/ bis auff dis gegenwer-  
tig/ darinnen man schreybet/ nach Christi vnser  
liben herren geburt/ Lawsent funffhundert/ vñnd  
sibentzehen/ tzu samen gebracht vnd mit eyngeley-  
bet/ Wolches ich Ewer fürstlichen genaden auß-  
schuldiger vnderthaniger pflicht/ tzu einer ewigen  
gedechtnus tzu geeiget/ vnd in d. r. selben/ als vnser  
Landes fürstin vnd gnedigen Ifrawen/ Ern vnd  
namen/ dein gantzē land tzu einer geistlichē frowd  
vnd andacht tzu dem gemelten seligen Vater / bey  
dem sie tegliche wolhat vnd hilff suchen vnd fin-  
den/ in die gemeyn außgehen lassen/ vnderthanig-  
lich bittende/ E/ I/ B/ wolle solichs / tzu gnedigē  
gefallen von mir annehmen / vnd mich als irē vn-  
würdigen Caplan gnediglich beuolhen habē/ das  
wil ich gegen got/ meyns armen vermogens/ vñnd  
ewer fürstlichē gnaden/ der selben heu vnd gemah-  
hel/ vnd des gantzen fürstlichen hawses Meyssen  
gluckseligen stand getraulich vnd vleisig tzu vor-  
bitten nicht vnderlassen. Geben in ewer ifürstlichē  
Stat Dresden/ an dem abent vnser Patronen  
vñ himelfürstēs des heiligē Dōca Anno 1617. sup.

Hie nach volgt das leben des seligen Vatters Benno so etwa Bischoff tzu Meysen gewesen ist.

## Das erste capitel von seynem geschlecht vnd herkommen

**U**nder den inhamhaftigen Stettē/im lāde tzu Sachssen gelegen/ist die / so itzo Hill deszheym etwa vor langer tzeyt (als man lisset) Bennoborg genant worden / Von welchem/dem Heiligē Vatter Benno/sein namē vnd tzunamen herkommen. Dan er doselbst von iugget auff ertzogen/ein geistlich leben angenomē / vñ in solichen tugetē auffgewachsen/wie durch hilff des oberstē/hienach von im vormeldt wirdt. Sein vater ist gewesen ein Graff/im land tzu Sachssen/nit weyt von Hoflar gesessen/vnd seyn mutter/Bezela genant/das souil ist/als gutelib oder andacht. Welchen beidenn /der almechtig/darumb das sie in seynem gotlichen willen /gehorsam vnd vleyssig erfunden/tzwen Sone miteinander beschert/derē einer Cristoff geheissen /vñ nach seynes vatters abgāg die Graffschafft besessen /Der ander Benno/von dem dis legend sageth / Der sich dan der welt geuffert/vnd got tzu dinen ergeben hat. Diser tzweyer gebruder vormeldūg /findt man in cynem Keiserlichen vnd Koniglichen briue/auff Sanct Peters bergetzu Hoflar ligende / So von keyser Heinrichē dem virden konige/ erstlich auffgericht darnach vnd dem konig Adolpho/widerumb bescrefftiget vnd befest ist/vnder andern also lawtēde Heinrich von gotes gnaden Konig ꝛc. Embitten allen gegenwertigen vnd tzukunfftigen / gottes vñ

vnsern liben getrawen/vnd fugen inen tzuwissen/  
Das wir vmb bethwegē/vnser libē ifraw Mutter  
Agnes der Keiserin/ein vorwerck oder gute/das et  
wan Braff Ernstoffs vnd seines brudern Benno  
vnser Caplans gewest/in dem dorff Bartimleb  
an dem Nordt Thuringischen Howe gelegen/tzu  
Sant Peters altar/auff Sant Peters berge/nest  
ben Hoslar gegen der Sonnen auffgang ligende  
tzu eigen gegeben vnd da mit begabt habē zc. mit  
fernern inhalt/des datū stehet/auff den drittē tag  
des Mertzē/Von Christi vnser liben herren ges  
purt/Lauset vnd tzuweyundsechtzig/Erwelūg ges  
melten Keiser Heinrichs im achten/seiner Konig  
lichen Kronung im sechstenn/vnd seines alters im  
tzwolffte iare. Dz aber gemelter Vatter Benno in  
obertzeltē Keiserliche briue/vo: des Keisers Caplā  
angetzogē vñ genant wirdt/hat dise ursach/das er  
tzu der selben zeit/ein Thumber ist gewest/in der  
Stiftkirchē tzu Hoslar / der heiligē tzwolffbottē  
Simonis vñ Jude/Welche kirch/dortzumal / vor  
des Keisers / der aldo hoff gehalten / Capell : vñ die  
Thubern do selbst/alle/vo: Keiserliche Caplan ges  
acht vnd genant worden sint. Von welche hienidē  
weytter vnd clarlicher geschrieben wirdt.

**Das ander Capitel vñ dem Na  
men Benno / vnd das vor tzeyten vil dis namens  
erfunden sint.**

**B**enno ist ein alder Wendischer Name / vnd  
sint dis names etwan vil trefflicher Man  
ner gewest/als namlich/ein Bischoff tzu Osna  
borg/der vmb seines tugetliche lebēs willē vñ dem  
Stul tzu Rom geheiliget/vñ in gemeltē stift Os  
naborg sondlich angeruffen vñ geeret wirdt Lzum  
andern ist auch ein Benno Bischoff gewesen tzu

Aldēborg an der See das itzo Stargart heisset/  
gar ein frömer gotsforchtiger man /den die Wēdē  
do selbst (die noch nit gar gelobig warē) vortriben  
Derhalb er zu dem heiligē Bernwardo /Bischof  
tzu Hildesheim tzuflucht gehabt/der ine gar früt  
lich annham vñ herbergete/vñ als gemelter Bern  
ward<sup>o</sup> sant Michels Closter (das er in d Stadt  
Hildesheim aus seynē eigē gut gebawt het) weyß  
hete/Ward itz gemelter Bischoff Benno aus groß  
ser menig vñ gedrengnis des volkes erdrucket/vñ  
in dasselbig nawe Closter erlichē begrabē / aldo er  
noch vō vil lewthē gesucht/vñ vor heilig gehalten  
wirdt. Der dritte Benno was ein bischoff tzu Ot  
richt den obgemelter keiser Heirich in des Reichs  
sachē vñ handeln vil gebraucht/dartzu er sonðlich  
geschickt vnd erfare war. Der vierde Benno ist ges  
west ein Hertzog tzu Sachsen bey keyser Otton  
des andern getzeyttē/d bey den kirchē ouch vil gut  
tes gethā/vñ die wid die wendē ser beschutzt ouch  
mit dem schwert vorfochtē hat. Man liset ouch vō  
vil andern dis names/groß lob vñnd tuget. Es ist  
aber nit vō noten hye vō den selbē allen. Sond als  
seyn vō dem Benno/der Bischoff zu Meyssen ge  
west/vō dem erstlich angefangē/itzo tzuschreyben  
Der dan ouch gar vil m̄hne vnd arbeit gegabt mit  
den Wendē/die dotzumal im stift tzu Meissen/vñ  
an d Elb hin vñ wider gewonet/mit predigē/mira  
ckeln vñ wundtzeichē/bis er die bekeret / vñ in dem  
heiligē globē bestendig gemacht hat. Derhalb er  
ouch vil vñ gern bey inen gewonet/vñ sonðlich tzu  
Beda w nit weyt vō Barutzē gelegē/wie man des  
noch auff den hutigē tag antzeigūg doselbst findet  
vñ vil darumb da vor gehalten er were tzu Beda w  
geboren gewesen/dz dan obuerlawter /brifflicher vñ  
globwürdiger kontshafft entgegen vñ nicht war ist

Wie man hienach weyter da von horen wirdt.

### Das dritte Capitel von seyner Kintheit vnd auffzihung.

**D**er selige Vatter Benno / ist geboren an dysze  
welt / als man getzalt hat nach Cristu vnser  
libē herrē geburt / Lawset vñtzechē iare / vñ so bald  
er funff iar ald / ward / er vō seyner Eldern / gegebenē  
dem obgenanten heiligē Bernwardo Bischoff zu  
Hildesheim / der dan d geburt / ouch ein Brass vñ  
lme mit frūtschafft nahet vorwāt was / bey dem er  
auffertzogē in d forcht gotes / tzu allen gutē kunstē  
vñ tugētē. Der im ouch ein sondlichē tzuuchtmeister  
tzuordnete gar ein gelortē vñ fromē Dane / Nam  
lich Wigerū den Probst des ehegenantē Closters  
sant Michels tzu Hildesheim / bey dem er sich al  
so gehorsam / vleyssig vñ willig anliesse / dz menig  
lich / vnd tzuuor an seyner Eldern / ein michel fromd  
vñ hoffnūg vō im empfiengē. Erstlich lernet er vō  
seyner meister gar ein schone welsche / oder poetische  
schriffte schreybē / wie man die noch sihet in etzliche  
briue / bey d kirchē tzu Meyssen ligēde / die er mit sey  
ner eigē hād geschribē hat. Danebē lernet er ouch  
in d iugēt außz d Poetrey gedicht schreybē vñ ma  
chen / dan tzu den selbē getzeytē / gemelte kūst d Po  
trey vñ hofflich lateyn / ser werd vñ lib geacht was /  
durch welchen vleys vñ geschicklichkeit / ine seyner  
frund der Bischoff tzu Hildesheim aus der mas  
sen ser libet / vnd hette das kind genad bey got / vnd  
gunst bey allermenig.

### Das vierde Capitel vō dem tod

seyner Vatters des Bischoffs tzu Hildesheim.

**D**er begabe sich / dz den obgenantē Bischof zu  
Hildesheim / in seyner alden tagē / ein todlich

Geroch vñ fieber anstieffe/daran er bey funff iarē  
als ein betrise/stets darnid lag/in welchem lager/  
ime dz kind Benno vil langer weyl kurtzet vnd tzu  
brachte/itzo mit dichte/itzo mit schreybē/dan mit  
redē vñ disputirē/wie er kund vñ mochte/dartzu er  
vnuordrossen vñ stets bey seynē vettern was/mher  
dan alle and diner/derhalb er im ye lenger ye liber  
ward/Als er nu begunde dem tod zu nahen beruf  
feth er vor sich/das kind sampt seynē tzuhtmeister  
vñ in gegēwertikeit irer beid fing er an vñ saget tzu  
dem kinde. Du hast/gesehen meyn aller libster son  
mit was gedult ich dise krankheit nu funff iar lāg  
vmb gottes willē getragen/vñ nahent bis tzu dem  
end gebracht hab/darumb ich got lob vñ dāck sag  
dan ich weiß/das tzu d ewigē freid vñ selikeit keyn  
ander wegt ist/dan durch betrubn<sup>9</sup>/widwertikeit  
vñ anfechtūg/wodz gedultig vō vns angenommen.  
Dñ so nu (wie du siehest) got ouch den ihenen/die  
in seynē gehorsam erfundē/vñ seyne gebot gehalten  
souil leyden vnd kōmer tzuschicket. Was meinst du  
dan dz denen begegē werd/die an alle forcht gotes  
mit irem santlichē vñ bossem lebē teglich verschuldē  
den tzuorn vñ straff gotes. Die tzeitlich vñ dort ewig  
lich. Derhalb meyn libes kind/so gedenc an disse  
red/vñ enthalte dich nach meynē abgange/vō al  
ler boszheit vñ laster. Vormeyd vnd hasse/dyse fal  
sche welt/die vol ergernus list vñ vntrew/voll  
befleckung vñ vntreynung ist/nicht anderst dan  
ein gift oder giftige Geweche/vñ setze alle dein  
hoffnung vñ getrawen alleyn tzu goth/vñ  
dysen deynem tzuhtmeister/dem du stets anhan  
gen vñ volgen solt/damit du von got genad/vñ  
von deynem tzuhtmeister kunst vñ gute sitten er  
langen wirst. Vnd als er außgeredt/wendeth er  
sich tzu dem Meister/befalh im dz kindt mit gantzē

trawen/vnnd vörschide vnläng darnach in gross  
ser andacht/vorsehen mit allen Cristlichen Sacra  
menten vol tugeth vnd guter wercke/Nach Chri  
sti vnnsers lieben herren geburt/Lauset vnnd im  
tzweyundtzwentzigisten iaren/am tzwentzigistē  
tag des Monats Nouember/vnnd wardt begra  
ben in Sant Michels Closter/das er wye vorge  
sagt/mit seynem eygen gelt gestiftt/vnd gebawen  
het/aldo er noch rastet vnnd vmb seynes heiligenn  
lebens vnd wundertzeychen/von dem Babstliche  
stuel in dietzal der heiligen beychtiger geschribenn  
vnd angenommen ist.

**Das funffte Capitel wie der ob  
gemelte bischoff/von dem heiligen Benno ser  
geclagt vnd beweint ward.**

**E**s ist nit auszusprechē/wie ser die gantze stat  
Hildesheim/vnd sondlich Benno sich vmb  
disen tod/ires vaters vñ Bischoffes betrubten vñ  
in clageten. Dan er ein vater gewesen war/aller ar  
mē vñ betrubtē. Derhalb sie in vngern verlorē/als  
den/der sie in keyner noth ye gelassen vñ tzu dem sie  
alle tzuflucht gehabt vnd trost vnnd hilff alwegen  
bey im gefunden hetten. Als aber der Probst Wi  
gerus/dem das kindt beuolhen was/vor marckte/  
das er von grosszem harm vnnd sewfftzenn ser ab  
nham/vñ weder tzu studirn od keynerley sachē mer  
lust het/begüde er inen mit senfftē wortē zu straffen  
ouch da neben tzu trosten/vnd tzu vnderweyssen/  
das der tod der gerechten vnd frommen menschen  
(als seyn veter gewesen were) nicht tzuerschrecken  
noch tzubeweynen/dann das ein gemeyn gesatz  
das allen menschen geleych auffgesetzt wer/dem  
nyemant entfluchen oder entgehenn mochte. Das

ouch etzliche volcker den tod darumb vor ein goth  
angebet hetten/das er ein end wer alles betrubnus  
vnd anfechtung auff diser erden/da von vnns nyem  
mandt entledigete dan der tod. Das ouch tzu er  
fullüg dis gesatzes vnd gemeynen gebores/Unser  
liber herre Christus selbs gestorben/mit disen vnd  
gleychen wortzen/erquickte er dem iungen wider  
seyn hertz/das er ein nawen muth fassete/vnd sin  
ge widerumb an tzu dichten seynem vettern ein epi  
taphium das ist ein vberschrifft vff einen grab stein  
wie man das noch doselbst bey seinem grab findet  
vñ in der latinischē historien weyter/von diszem vñ  
an dern aufgedruckt ist. Aber vñ der tzeit an/ward  
der iung nyemher so frowlich als er vor gewest/  
vnd beschlossze heimlich bey im selber/seynes vet  
tern getrawen rath nach/die welt tzuuorlassen/vñ  
so bald er alders halb dartzu geschickt ein geistlich  
leben an sich tzunehmen vnd got tzu dinen bis an  
seyn ende/als er ouch mit d that darnach beweyste

### **Das sechste Capitel wie er seyn iugēt tzugebracht.**

**D**er heilige Benno nam tzu vnd wuchsse teg  
lichen/auf der genaden gotes an leyb vnd an  
sele/an kunst vnd an tugeten/tzuuoran het er an im  
die tuget/das er seynes tuchtmeisters straff vñnd  
lere/guewillig annham vñnd im gehorsamliehen  
volget was er im riete/das doch der iugēt gewon  
lich wider vnd bitter ist/vnd als er nu also auffge  
wachssen vnd nahent tzu seynen mundigen iaren  
komen/wardt er in feyner leychtfertikeith ye vor  
marckt/wed in schimpff noch in ernst/was ouch  
nit hochtragend oder stoltz/als die iungen gewon  
lich sint/belcidigete weder iung noch alt/mit wortz

ten oder wercken / vnd was ser dienstlich gegen yed  
man / vnangesehen seyn adel vnd herkömen. ouch  
liesse er nit hyn vnd wider spacirn / sonder blib stets  
bey den brudern in dem Closter / vnd liesse sich be-  
nugen an dem das sie hetten wolt sonderlich nich-  
tzit essen oder trincken vnd wan sie fasteten so faste  
er mit / leget seynem leyb gros casteyung auff vnd  
lebt in allen dingen also ordenlich vnd wol / das in  
nymandt tadeln od scheltē mochte / das man doch  
bey der iugēt gar feltē findet. Wie wol im nu etzliche  
rieten / vnd seynem tzuhtmeister ouch nicht entge-  
gen was / das er vorhin solte die welt bas erfaren  
vnd sich der nierten / ehe dan er den ordē annheme /  
blib er doch auff seynem meynung vor vnd vor bestē-  
dig / so bald er iharhalb vñ mit gunst seynere eldern  
kund oder mochte / in dem selbigen Closter ( darin  
er auffertzogen war ) profession vnd gelubnis tzu-  
than / vnd seyn leben also tzubringē. dan im altzeyt  
im sin lag der getraw rath vñ ler seynes vettern des  
heiligen Bernwardi die er im an seynem todtbeth  
gegeben het.

### **Das libende Capitel wie er tzu**

Hildesheim den ordē Scti Benedicti angenomē  
**D**v begabe sich das tzu der selbenn tzeyte seyn  
vater / der in gern weltlich gesehenn / vñ vil  
maln darumb angeredt het / mit tod abginge / dd  
wolte der heilige Benno sein gemut lenger nit ber-  
gen / vnd offenbaret das seynere muter / die gar ein  
geistlich from weyb was. Vñ g:fiel ir ires Sones  
vornhemen aus der massen wol / was im ouch dar-  
tzu vleyssig beholffen / vnd gabe dem obgenantenn  
Closter / etzliche guter von seynet wegenn / Der im  
dan von stund an liesse antzihē das geistliche fleide

vnd nam an sich den Ordē des heiligen Apts Bes-  
nedicti in dem vilgenantē Closter Sant Michels  
tzu Hildeszhaym do er innen auffertzogē war. Vñ  
als bald er profession gethan/stelt er von stund an  
ab alle weltliche kunst vnd bucher/damit er sein in-  
get vortriben/laß sters in der Bibel vñ den heiligē  
lerern darinn er so erfare/das er deren in kurtz ein  
grosser berompter meister ward. Vñ schreyben etz-  
lich das er tzu Parys Doctor in der heiligē schrift  
worden sey/dan man doselbst dieselbē Doctor/nit  
Doctor/sonder Magister pflegt tzu nennen /vnd  
ist vor tzeyten gar ein gros ding vnd seltsam gewes-  
sen. Das aber was daran seyn moge/vnd im discr-  
titel gegebē sey/findt man in der Stifftkirchen tzu  
Boslar also er ein tzeytlang/Lthumberr gewest/  
vnd stehet in eynem oder tzweyen alden todtenbu-  
cher /also/ von im geschribenn vñd angetzeichet.  
Magister Henno vnser mitbrud /ist darnach Bis-  
schoff tzu Meyssen worden also er rastet mit gros-  
sen wundertzeichen. Man findet ouch noch an-  
zeigung vnd schrift im Closter tzu Hildeszhaym  
wie er do selbst seyne bruder in der heiligē schrift ge-  
trawlich vnd vleyssig vnderweyßt hat /vñd in vil  
heymlicher auslegung geoffenbaret/die sic vorhin  
nye verstanden hetten. Doch so was im keyn buch  
ader küst so lieb/das er seyn gebet oder gottes dienst  
dadurch vorsomet. SOND wan er eyn weyl gelesen  
so bethet er die andern/od was in d kirchē bey den  
gotlichē amptern/vñ flisse sich ye/das er keyn tzeyt  
vnutz od vorgebēs hinweg fließzē ließ Sagt ouch  
offt das dem menschē nichtzit edler gegebē wer/dā  
die zeit/wo mā die wol anleget vñ recht gebraucht  
**Das achte Capitel wie er priester  
vnd darnach Apt worden.**

**N**ach dem der heilige Benno in solicher an-  
dacht vñ tugelichē lebē/nu funffundtzwain-  
tzig iar aldt/ward er geweycht tzu einem Diacon  
das ist ein Ewangelier/vñ darnach als er dreysig  
iar altt/tzu Pristerlicher wirdt gesalbet vñ erhabe/  
dan vor diser tzeyt/liessen die altenn Feyn tzu disem  
stand vñ wurden kōnen. Wie dan ouch die heiligē  
Recht das clarlich ausdrucken. Also sange er seyn  
erste messz mit grosser innikeit vñ andacht/in dem  
gemeltē Kloster tzu Hildeszhaym/vñ so oft er dar  
nach messz lasc/sahē ine die bruder allweg vor gros-  
ser andacht/miltiglichē weynen. Sie vermerckten  
ouch wol an ime/das er im selbs abbrach an essen  
trinckē/vñ aller leyplicher wollust/mher dan er vor  
gethan/vñnd hetten all ein vorwundern ab seyner  
grossen messikeit vñ tuget/die im gar wenig od̄ key-  
nernachthon mocht. Vñ als er also vier iar in sey-  
nem Pristerlichen stand vortribē/begabe sich das  
der Aptt doselost mit namē Adalbert<sup>9</sup> in got vor-  
schide/vñ ein teil d̄ bruder weleten/den heiligē Ben-  
nonem tzu einem Apte. Der and̄ teil einen andern  
mit namē Sigibertum/der nicht so eins gestrengē  
harten lebēs was/vñ tzu regirn/vñd vil geschestten  
mer lust het dan diser. Derhalbē wie wol dem heil-  
ligen Benno mher Stimmē vñ walen tzugefallē  
warē/noch wolt er sich des nit annhemē/vñ wolche  
dem genanten Sigiberto selbs frey willig vñ gern  
damit er vō außwendigē geschestten vñd handeln  
vñuorhindert/seyn inwendige bescholicheit vñ an-  
dacht vñuerruckt behaltē mochte/gab derhalb die  
Aptey gemelten Sigiberto frey vber vñd auff. Wie  
man das findet/in den registern in dem vilgedachs-  
ten Kloster tzu Hildeszhaym/darinne die Epte  
wie lang ein yeder regirt eingetzeichet/aldo vnder

**B**

andern also geschribē stehet. Benno vnser bruder  
vnd Vatter ist nach Adalberto tzu einem Apt erfo  
rē/aber nit lāg als vngeferlich bey dreie monat lāg  
d3 regiment innegehabt/vñ darnach Bischoff tzu  
Meyssen worden/aldo er begraben ligt /vnd groß  
se wundertzeichen thut.

## **Das .ix. Capitel wie er vō hildes**

heym gen Boszlar kōmen vñ do Thūher worden  
**A**ls nu der Heilige Vatter Benno sich d mas  
sen wie ob angetzeigt/vō der Aptey enbrochē  
het/satzte er im vor seyn lebē langē also demutig vñ  
fleyt tzu bleybē/sich auch mit keynē ampt oder ges  
walt mher tzubekōmern/damit er got dester vleyss  
ger dinen mochte. Aber d Almechtig /d do wund  
barlich ist/in seinen werckē vñ in seynē auserwelten  
vñ die oft erhohet die eins demutigē hertze /vñ die  
eins hoffertigē/ernidert/wolte nicht d3 dies bornē  
de licht solte heimlich vorborgē bleyben. Derhalb  
begabe sich d3 aus seinē gotlichē genadē vñ geschis  
cke/keiser Heinrich d dritte konig volbracht vñ vol  
endet/die obgemeltē Stifftkirchē tzu Boszlar in d  
Ere d heiligē tzwolffbotē Simonis vñ Jude (die  
sein vorfarē Cunradt auch Romischer kesszer vor  
hin angelegt vñ tzubawen angefangen het) vñ vor  
mochte do den Babst Leo den Newndē dis nhamē  
d3 er die mit seyn eigē hendē weyhet in gegen  
wertikeit des kessers vñ drey vnd sibentzig Card  
nel/Bischoff vnd Prelaten. Er gabe auch der kir  
chen den nhamē das sie des kessers capell. vnd die  
Thumhern do selbst alle Keiserliche Caplan ge  
nent wurden/wie oben auch dauon gemelth ist.  
Duch beflisse er sich vnd schicket auß/in alle land  
nach fromen geistlichen vnd gelorten leuten vñ d

mantern/die er dohin setzen vnd befehenn wolte  
 Vnderwelchẽ ime der Heilige Vatter Benno als  
 ein meister der schrift/sonderlich hoch berombtvñ  
 angegebẽ w3/derhalb er bey dem gemeltẽ Papst  
 Leo/souil erlangte/das er im erlobte vñ daneben  
 bey dem gehorsam gebotte/seyn Kloster tzuuorlas  
 sen/vnd ein Canonicat od Thumerey in gemelter  
 kirchen antzunhemen/vnd aldo ein erlich geistlich  
 lebẽ helffen anrichten. Das dan d heilige Benno  
 wie wol im dz heimlich/ser wid vñ entgegen was/  
 dem Papst vñ dem Keiser nit wuste zu wegern od  
 abzuschlahẽ. Was er aber vor ein geistlich selig le  
 bẽ in der selbẽ kirchẽ habe erstlich mit helffen pflan  
 tzẽ vñ anstellẽ. Was ouch grosser treffenlicher vnd  
 heiliger Manner in d selbigẽ kirchẽ ein lange tzeit  
 auffgewachsen vñ ertzogen seyn/ist abzunhemenẽ  
 auß dem nach folgenden Register d ihenen die all  
 aus d selbẽ kirchẽ tzu hoherm stād erhabe/vñ vmb  
 ir tuget vnd fromkeit willen eintweder tzu Papst  
 oder Bischoffenn gemacht sint. Dan das Papst  
 stumb vnd alle Bistumb in tewtsch vund welsch in  
 landen/dem Reych vnderworffen /dotzumal alle  
 von dem Keiser tzu lehen giengen/vnd het nyemāt  
 tzu kiesen oder tzusetzen dan ein Romischer keyser.

## Das .x. Capitel von den Thum-

hern tzu Hofzlar wie die erhaben sint.

Rumbolt d Erste Brobst tzu Hofzlar. darnach  
 Bischoff tzu Costentz.

Engelhart d and Ertzbischoff tzu Magdeborg

Bunther Bischoff tzu Bamberg

Wernher Bischoff tzu Merseborg

Anno Ertzbischoff tzu Coln

B is

Bisbo  
Bruno  
Otto  
Swiderus  
Hartwig  
Wilhelm  
Berchthold  
Bruno  
Berolt  
Erast  
Benno Adgr  
Rutprecht  
Mairo  
Herbert  
Eckert  
Hodfrid  
Eppo  
Ulrich  
Lono  
Lunrat  
Landolff  
Ricolff  
Erpho  
Heinrich  
Hetzlin  
Heinrich  
Eylbrecht  
Litmar  
Hildolff  
Atelhog  
Eckhart  
Lunrat  
Lutolff  
Joannes

Bischoff

tzu Tullio  
tzu Wirtzburg  
tzu Rauenna  
tzu Bâberg darna /  
tzu Maderborg (ch  
tzu Veron Babst.  
Intermaminensis  
tzu Passaw  
Vercellensis  
tzu Meyssen  
tzu Meyssen  
tzu Bamberg  
tzu Verden  
tzu Luttich  
Polonien  
tzu Regenspurg  
tzu Worms  
tzu Straßburg  
tzu Freysing.  
tzu Tricht  
tzu Trier  
tzu Mentz.  
tzu Monster  
tzu Auspurg.  
tzu Hildeszhaym.  
tzu Paderborn  
tzu Numen  
tzu Hamborg  
tzu Coln  
tzu Hildeszhaym  
tzu Speyer  
tzu Hildeszhaym  
tzu Halberstadt.  
oberprobst zu halber  
(stadt

Rudolf  
Lunradt  
Valentin  
Guntber  
Seyfridt  
Arnold  
Joannes  
Heinrich

tzu Swerln  
tzu Waddeborg.  
tzu Minden  
tzu Waddeborg.  
tzu Hildesheim  
tzu Hamburg  
tzu Havelborg  
tzu Hamburg

## Dyſe all vnd noch vil mher dye

vmb kurtz willen außgelassen werde / ſint zu Boſzlar etwā / do die Keyſer do gewonet habē / Probt Dechant vnd Thumhern gewest / vnd vō da dan nē / von Keyſerlicher Maieſtat / an dye genantē Stedt tzu Biſchoffen geſetzt vnd gegeben. Wye aber dye Lewtſchen Keyſer von diſer herlikēth kōmen ſeyn / iſt nit noch hye tzu beſchreyben / vnd hye mit werden die wird vnd groſſe der Keyſerlichen Capellen tzu Boſzlar gnugsam angetzeygt.

## Das. xi. Capitel Wye ſich d̄ heylige Benno tzu Boſzlar gehalten.

**D**er Heilige vatter Benno / wonete tzu Boſzlar im ſtiſt / ſibentzehē iar / in allen tugetē vnd Erē / in groſſem abbruch vñ gutē beyspil mit vaſtē / wachē / betē / alamuſen gebē / tzum teyll vō ſeynen lehen / tzum teyll vō ſeynē vatterlichen guttern / die nit weyt da vō lagē / vō welchē er gemelter kirchen / dz obgeſchribē vorwerck Partinleb / ein Moln / ei haws vñ etzliche erbtzins / erblichē tzugeiget vñ gegebē d̄ ſich die Thūhern do ſelbſt noch auff dē heutigē tag gebrauchē / vñ briſſ vñ ſigel daruber haben. Wie wol ine nu ſeine brud̄ die Thūhern vñ alle pſonē d̄ kirchē / vmb ſeiner tuget vñ k̄uſt willē ſer libetē.

So hett' er doch ein sonderu frund vnnnd gesellen  
an dem Probst do selbst / dem Heiligē Annone/  
dan die tzwen einander / nicht anderst dan leypliche  
bruder meineten / vnd hielten sich alle tzeyt zusam/  
men / mit beten / studiern / vnd allem irem thun vnd  
lassen / also das man wol von inen sprechen mocht  
den spruch David / O wie gut vnd wunsam ist / do  
bruder bey einander sint vnd wonen. Dan ir beyd  
sin vñ gemut stehnd nicht anderst dan got tzuwol/  
gefallen / vnd recht thun vnd vnrecht tzuuermeydē.  
Was aber dysze Christenliche vnd bruderliche lbe  
bey disen tzuweyen getruckt / vnnnd wie sie got beyde  
vmb disze vnd ander tuget erhobet vñ belonet hab.  
xirt in dē nach volgēde capitel clarlich aufgedruckt

## Das. xij. Capitel Wie er tzu einē

Bischoff tzu Meyssen erwelt ist.

**A**ls man schrib nach Christivnnfers libenn  
Hern geburt / Lawset funffundfunfftzig iar  
ward obgenäter Probst Anno von Keyser Hein  
richen dem dritten Konig tzu einem Ertzbischoff  
tzu Coln erwelt vñ gesetzt / mit eintrechtiger Stim  
vnd tzufall / aller Kurfursten vnd fursten / vnd dz  
vmb seyner tuget vnd weyszheit willen / dan als vil  
wyderwertikeit vnd vnfrid tzu seyner tzeyt im reich  
geschwebt / hat er mit grosser weyszheit vnd vorsich  
tikeit also regirt / das dye Stadt Coln vñ seyn stift  
vnder seym regiment alweg wol befridt vnnnd bes  
schutzt gewesen sint. Als er nu von Boszlar schey/  
den vnnnd auff seyn Bistumb tziehen wolth / geseg  
net er den Heiligenn Vatter Benno vnnnd sprach  
Mein allerlibster frund vnd bruder / du solt nit ges  
dencken / ob mich goth tzu grosser Ehr erhabenn /  
vñ geruffen / das ich deyn darumb vorgessen wol

le. Sonder soll vnser bruderliche lib vñ geselschaft  
ewig vnuorruckt bleyben/vnd so wir mit dem leyb  
lenger nit beyeinand sein mogen/wollen wir doch  
einander durch briff vnd schriften teglich heimsu/  
chen. Darumb so gehabe dich wol/danich dein  
alletzeit getrawlich gedēcken wil. Als er dan ouch  
mit der that beweyst/dan vber ein kurtzetzeyt dar  
nach starb obgemelter Keyser Heinrich/vnd ließ  
ein son/seynes namens/der noch ein kind bey vier  
saren/vnd doch von dem vater ehe dan er starb tzu  
konig gemacht. Der was nu ein weyl bey seyner  
mutter ifrawen Agnes der Keyserin/vñ ward dar/  
nach von den Churfurste sampt dem regimēt des  
gantzen Keiserthumbs beuolhen/vñ auff tzu tzy/  
ben gegeben/dem ohgenanthen Annoni Ertzbis/  
schoff tzu Coln/der von des konigs wegen tzu ge/  
bieten vnd tzu schaffen/tzu thun/vnd tzu lassen het  
te/was er vor gut ansah/dan er des iūgen konigs  
vormund ware. Nu begabe sichs das tzu der selbē  
tzeyt/das Bistumb tzu Meyssen ledig ward/dur/  
ch abgang eines Thumhern tzu Bofzlar mit na/  
men Crafft/der zu Bischoff geordnet/aber ehe er  
gesalbet/von dyser welt schide/Derhalb der Ertz/  
bischoff Anno als keyserlicher Stathalter vñnd  
vormund dasselbige bistumb/seynem freund Ben/  
no als den er würdig dartzu erkant vnd befunden  
heth/tzufuget/das dan der Heilige Vatter Ben/  
no lang nit wolte annehmen. Vñnd entschuldiget  
sich/weye vorhyn mit Aptey/das er im lang vorge/  
satzt heth also tzubleyben/vnd wo er nu erst auff  
seyne alte tage hyn tzyhen/vnd seyn vaterland vnd  
geruwig geistlich leben vorlassen solte. Dartzu der  
Ertzbischoff antwort. Das ouch Christus sampt  
seynen Aposteln/ir vaterland vorlassen/vnd nit als

weg an eynem ortz bliben/Sonder den heilligen  
geloben durch dye gantzen welt geprediget / vnd  
ausgeb:it hetten. Dye weyl nu noch im land tzu  
Meyssen vil vngelobigs volckes / tzu denen ine got  
schicken wolte / solte er sich eben vorsehē / wo er sich  
des wegerte / das es im nit gienge / als dem knecht /  
der seyn pfund vorgraben vnd nicht da mit erwor-  
ben het / dan ein geistlich vnd bescholich lebē stun-  
de nicht auff mussig gehē vñ guten tagen / dye weyl  
der Apostel selbs spricht. Wer nit arbeit soll ouch  
nit essen. Sont were die schone Rachel also tzu lis-  
ben das man doneben der fruchtbarkeith Lie nith  
vorgesse / mit disen vnd dergleich worten / redet er  
den Heilligen Vatter Benno da hyn / das er das  
Bistumb an nam / weye wol mit beschwertē gemu-  
te / dā er im geist vorhin erkāt / w3 grosser betrubn<sup>s</sup>  
not vñ anfechtūg er daruber erleydē wurd dartzu  
er sich goth dem herren willig ergab vñ vff opffert.

### **Das. xij. Capitel wie er zu Meis-**

sen erstlich einkomē vnd empfangen.

**N**ach Christi vnsers liben herrē gepurt / Law-  
set vnd im sech sund sechszigisten Jare. ward  
der heilige vatter Benno vō wernhero dem Ertz-  
bischoff zu Magedorg / zu einē Bischoff zu Meis-  
sen geweyhet vñ cōsecrieret / vñ was d tzehēde Bi-  
schoff / von anbegin vñ auffrichtung des stifts tzu  
Meisszē / vñ als er nu cōsecrieret vñ zu bischof gema-  
cht / tzoge er gen Meyssen seynē Bischofflichē stule.  
Do giengē im entgegē die Thūhern alle priester vñ  
die gantze stad / empfangē ine mit grossen eren vnd  
frewden / vñ furten ine / in die Bischoffliche kirchē  
od Thume / do er erstlich dz ampt d heiligē messze  
vnder der infel / gar andachtlich volbrachte / vñ

als das ein end/keret er sich vmb tzu dem volck/vñ  
thete eine schone rede vnd sermon/von der gotliche  
weyßheit vnd genaden/wie die alle ding vorsehen  
vnd wol geordnet vñnd gemacht hetten Darnach  
wendet er sich tzu seynen brudern den Thumber  
ren sondlich vnd sienge an also mit inen tzu redenn  
Mir gefalt sere wol ewer getzirte kirche / vleyßiger  
vnd wol geordneter gotsdinst/den ich bey euch ge  
funden/vnd die weyl der almechtige/mir aus seyn  
gotlichen gnadē / disse Ehr vorlihen/vñ mich euch  
tzu einem Bischoff vatter vñnd hirten/verordnet  
hat (ds ich doch warlich nye begert noch in meyn  
gemut gefasset habe) So will ich all meyn vormo  
gen darstrecken/vnd keyn vleys in hue oder arbeit  
sparen. In allem dem das diser kirchen vñnd euch  
allen/tzu nutz erē vnd frōnen gedeyhen moge/dar  
mit sie bey mir ouch nit geringert werde/daran  
mich keyn widwertikeit betrubnis / od anfechtūge  
(der wir doch genug haben werden) verhindern  
solle. Will ouch keyn menschliche od tzeitliche ges  
walt/gunst oder vngüst darin ansehen ader forcht  
ten/vñnd mich gantz nicht dauon abwenden oder  
erschreckē lassen/ob ich ouch mich selbs in schar ges  
ben solte. Derhalb mein allerlibstē bruder/so helf  
fet mir got bittē/das er vns gedult vñ sterck dartzu  
verleyhē wolle/vñ vns die cynleitūg od vorsuchūg  
nit tzu schwer mache/damit wir von ime hic vñnd  
dort nymer gescheiden werden/vñ disem stift vnd  
gemeynem volcke also vorstehen. Das sie vō vnns  
besserūg vñ gute lere vnd wir mit inen die ewigen  
frode/vnd selikeit verdienen vnd erlangen mogen/  
mit welchen Worten er machte das meniglich die  
augen vbergingen vnd flosogelten/vnd also tzu go  
tes dinst meher geneiget.

## Das. xiiii. capitel Wie er den go-

tes dienst gern ehret vnd geordnet hat.

**D**ie alten sagē das man ein man nicht recht erkennen mag/man geb im dan ein ampt oder gewalt eyn. Welches bey dem heiligem Bischoff Beno wol erschinē ist. Dan do hat er erst ergeth seyn vorsichtikeit vnd weißheit/sein senssemutikeit vnd gerechtikeit mit guten Ketten vnd gerechten vrteln. Nit hoffertig/nith gebrengisch oder stoltz/sonder gegen meniglich demutig/vnd tzu vor aus den armenn mit vil wolthat vnd fruntschafft/im selbs nichtzit eynsamlende oder vorbehalten den dan er alletzeit bedachte/das er nacktet vnd blof an dise welt komen/vnd also wider da von scheiden muste. Aber vor allē dingen leget er seyn vleys auff den dienst gotes/was daran gebreche/das er das so ehe so besser wenden/vnd allen dingen maß geben mochte. Derhalb die weyl er mangel fandt an gesangbuchern vnd dem gesang an im selber/bestalte er gesangbucher von Hildeszhaym/vñ vorordnet do/das die zu Meyssen noch auff den heuorigen tag sich mit dem gesange/dem Stiff zu Hildeszhaym vorgleichē vñ vber ein kome/ausgenomen was nach seiner tzeit vō narwē Historiē auffkōmen sint. Er ordnete ouch vil andere stueck zu tzirug seiner kirchē vñ d Ere gotes/dan er vorhin den stift tzu Hozlar ouch helffen anrichtē/vñ hat gros erfirug gehabt. In allē dē so die geistlicheit antriffet vnd einē bischoff tzu wissen tzustendigē.

## Das funffzehende Capitel von der Sehlstage vnd heimsuchunge ader visitation seyner vnderthanen.

**A**ls er die gotlichen ampter allenthalben vles  
sig bestelt vnd vorordnet hette gedacht er als  
ein guter hirte/an seyne schaff vnd der selen seligkeit  
dene tzu erste troste vnnnd guter regirunge besuchte  
er alle pfarrern vnnnd gotshewser iarllich in seynē  
stiffe mit eigener person/vnd het ein vleyssig auffses  
hen vnd nachfragen/wie sich die Regenten vnnnd  
vnderthanen gegen vnd miteinander begiengenn/  
vnnnd ob yndert was gebrechen an den Pfristern  
(das sie das volck nit recht leretenn oder wol vor/  
stuendenn) erfundenn/oder das volck iren schl  
wartern vnnnd vorstehern nit gehorsam leistenn/  
mit zimlicher reuerēt vnd Ehr erbittung/straffe  
er sie beyderseyt vatterlich mit senfften vnnnd linden  
wortzen/helt inen vor das gestreng vnd ernstlich  
gerichte gotes. Ermaneth sie vmb gotes willenn/  
das sich ein yeder seynem standt nach redlich vnd  
vnuorweyßlich halten/vnd nyemand dem andern  
ergernis geben wolle. Die/so er ouch vnstrefflich  
befande/lobet er sie in iren gutē werckē/vñ beweyß  
set inen vil gnad vnd gutē willen. Damit er sich al  
so vordinet/das ine seyne vnderthan alle libetenn/  
vnnnd nyemandt vber inn clagenn mochte/dan er  
sich gegenn Reich vnnnd Arm also flissze/das die  
reychen kein beschwerd/vnnnd dye armen vil trost  
vnnnd hilff bey ym warthenn warenn. Duch Pre  
diget er das wort gotes selbs an allē ortzen/do er  
hyn kame/vnd het grossen tzufall des volckes von  
allen endenn/tzu vor an do man ine gewonlichen  
wisszete tzu findenn/als tzu Sedaw/tzu Bresnitz  
tzu Scheylaw vñ in dem dorff Nawmborg tzu wiss  
chen Hünmen vnd Mogeln ligende/do er vil bes  
scholichet gehabt wye man hernach hore wirdet.

Dan er sich den armē lewten tzu gut vnd inen vn-  
kost vnd langer reysen tzuuormeydē sich nicht alwe-  
ge an einer stadt enthielte. Sond was er itzo oben  
itzo niden/itzo mitten in dem Bistumb/damit ine  
ein yeder leychtlich erreichen vnd seyn anligēde sa-  
chen bey im vsrichten mochten.

**Das. xvi. Capitel das er der kir-**  
chen tzu Meyssen ouch an tzeytlichen gutern weisz-  
lich vnd wol vorgestanden.

**S** was dem stift tzu Meyssen tzu der selbigē  
tzeyt vil eingriffis vn̄ schaden tzugefugt. tzum  
teil vō den Bohemē irē nachbawrn/ tzum teyll vō  
den Wendē/die wie vor ouch gesagt/noch nit garr  
Christē warē. Derhalbē d̄ heilige Bischoff Ben-  
no sich getrawlichen muhet vn̄ vleysset /den selben  
schaden widerumb tzu erstattenn /vnd (damit der  
dinst gotes nit fiele/od̄ arme lewd̄ not vn̄ gebrechē  
lidten) sich bey etzlichen reychen vn̄ fromen lewten  
tzubewerbē/etwas vmb gots willē bey der kirchen  
tzu thon/vnd an die ort wenden /do es von notten  
dartzu im ein reycher Edelman mit nhamē Ber-  
bor gar ein frōmer vnd gotsforchtiger mane/sere  
hilfflich gewest/vn̄ der kirchē tzu Meyssen etzliche  
erbliche tzinsze vn̄ guter miltiglich tzugeeiget vn̄ ge-  
gebē als sein brieff vn̄ eigene hātschrifft bey d̄ Thū  
kirchen tzu Meyssen behalden antzeigen. Dergley-  
chen Keyser Heinrich durch vorbit Annonts des  
Ertzbischoffs tzu Coln dem heiligē Vatter Ben-  
no vnd seynē stifte ouch etzliche castell vnd guter  
ausz Keyserlicher macht eingegebē vnd seynē kir-  
chen erblichē vormacht/lawt der vorschreybūgen/  
so daruber auffgericht/vnd noch auff den hutigen  
tag bey dem Stiff tzu Meyssen befunden werden.

Also brachte der heilige Bischoff Benno mehr al  
leyn narwe guter tzu der kirchen sonder vordert vnd  
eynmanet ouch/die alten außsteheden / vō denen/  
die sie der kirchē/etwan mit gewalt /brand / nham  
od rob abgedrügen hettē/die tzwange er mit dem  
bann/vnd andern geistlichen straffen/die selbē der  
kirchen widerumb eyn tzu reumen od in ander ges  
talt abtrag tzuthon.

## Das. xviij. Capitel von frau Be zela Bischoff Benno Mutter.

**D**as edel vnd gotsforchtige weyb Bezela des  
heiligen Vatters Bischoff Benno mutter/  
was aus grosser muterlicher trew vñ libe irem So  
ne (die weyl sie ein wittwe) auß dem landt tzu Sas  
chsen hie her gen Meyssen nachgeuolget/ir leyb ge  
ding/vnd alles das sie dort het /verkauftet/ vñ mit  
genommen /d3 sie dan alles dem Stiff tzu Meissen  
nach irem todt verlassen vnd ir ein ewigen iars tag  
da mit gestift/vnd die Erliche Statlon/ gebet vñ  
gesenge/so man alle Sonntag noch auff den hutiz  
gen tag helt tzu Meyssen/tzu Ern got/seynere gebe  
rerin/vnd allen liben heiligē ouch tzu trost den elen  
dē vstorbē sehlen/ist aus ire testamēt vñ gutern ge  
stift vnd auffgesetzt. Wirdt ouch alle sonntag wo  
beyn sonderlich fest darauff kōment /erlichem bes  
gangen. Ir wonūg was auff dem Castell tzu Be  
daw das ir/ir Son Bischoff Benno eingegeben  
hette/vñ derhalbē vil do selbst tzu ir kōmen/dauon  
sie sonderliche frowde vnd ergetzunge empfienge/  
Derhalbē etzlich ein wan gehabt (die weil sie von  
irn eldern gehorth/das Bischoff Benno Mutter  
aldo gewonet hette) Er were tzu Bedaw geborn  
vnd ein wendt gewest/wie oben ouch angerurth.

L

Das doch an im selbs nit also. vñ sich durch globs  
würdige kotschafft anderst erfunden. Wie man des  
tzu Hildesheim/tzu Hoflar vñ andern orten im  
land tzu Sachsen gnugsamen scheyn vnd antzey-  
gung sehen vnd heoren/mage.

## Das. xviij. Capitel vñ den Wenden die er tzum globen befort hat.

**S** sint noch auff den heutigen tag im stift tzu  
Meysen vil Wenden in stetē vñ dorffern / dye  
noch gar grosse libe vñ andacht tragē tzu dem heili-  
gen Vatter Benno / seyn grab tzu in hermaln heyn  
suchē / vñ sich in iren anligēden nottē tzu im gelobē  
Darumb dz er bey iren Eldern / sonil gutes gethā /  
vnd sie auß d fusternisz ires vnglaubens / tzu dem  
licht / das Christus selbs ist / gebracht hat / dan sie  
der Lewfel gantz geblendēt vnd gefangen genō-  
men het / also das sie nit allein anbettetē ire abgot /  
deren einer hieß Radtgast / der ander tzernebock /  
der drit vñ aller mechtigist Lschwantewitz / dem  
sie tzugefallen alle iar ein Christen ermorden vñnd  
im seyn blut opfern mustē / Derhalb sie wider das  
Christliche bluth tzu samen geschworn / vñnd das  
allenthalben voruolgen. Do das der Heilig Bis-  
choff Benno / mit betrubtem gemut erfahren / yesz  
er alle ding fallen / legeth vnd wendet all seyn crefft  
vnd vermogen darauff das er die blinden lewthe  
auß sollichem vordambtem irthumb bringē moch-  
te. Vnd das erstlich mit guttheit / vnd grossem mit-  
leydē / dan sie also vorstocket / das inen mit gewalt  
vnd trow Worten nichtzit was abtubrechen. Wye  
wol sie Keiser Heinrich d dritte Konig vñlang da  
vor mit dem schwert gedrungen Christum tzu bes-  
kennen vnd den heiligen glaubenn antzunehmen /

waren sie doch so bald nach seynem abzug/wyß/  
umb da von gefallen/vnnd erger dan sie vor ye ge/  
west. Aber durch seyn gutige lere vnnd vnderricht  
bracht der heilige Bischoff Benno ir vil wid auff  
den rechten weg/vnd entzoh dem boson finde vnd  
frem abgot Lzschwätewitz vil sehlen/die sust ewig  
lich verdampt worden weren.

**Das. xix. Capitel. Wye der hey-**  
lige Bischoff Benno gefencklich eyngesetzt vnnd  
wider ledig worden.

**D**er bose geist kün nit erleyden d menschē heyl  
vnnd selickit / derhalb gedacht er sich an Bist  
choff Benno tzu rechen/vnd bracht tzuwegen / dz  
er in vngenad quame des Keyfers / aus des beuelh  
vñ gotes vorhengnis er hinweg von Meyssen ges  
furt wart gefenglich eingesetzt/vñ nebē vil andern  
frömen fursten vnnd herren ( darumb das sie dem  
Babst vnd Romischen stul geho:sam leisteten vnnd  
do wider nit thon woltē ) ein lange tzeit in dem ges  
fengnis enthaltē/vnd seyn Stiffte dieweyl an vil or  
then vorwust / vnd geblundert. Dartzu der Ampt  
man od Lantuoit tzu Meyssen mit namen Burck  
hart/durch die finger sach/vnnd richte das spil als  
les heimlichen an/dan es gar ein boser mensche vñ  
der Pristerschafft vō natur gram vñ heffig wz. Nu  
hette d heilige Bischoff Benno nit so grosse besch  
werüg ab d gfengnis als vō dem/dz er dz gut an/  
gefängē werck mit den wendē/nit vorbringē mogt  
te/sust lidt er den hon/schmach/vorwustüg seynes  
stifftes alles gedultig vmb den namē Jesu vñ geho:  
sam d Romischē kirchē/vñ sprach stets den spruch  
Job des gedultigē. Der her hat es gegeben. d herr  
hat es widgenomē/gbenedelet sei sei heiliger name

L ij

Aber got der die seinen nit vorlast/ vñ inen soliche  
widwertikeit zufuget/nicht tzu nachteil od schadē  
sond tzu bewerüg ires globēs vñ mherüg irer belo/  
nung/der schickte bald darnach/dz der heilige Bi  
schoff Benno ledig ward vnd wid heym tzu seyn  
ner kirchen kame/ do er mit grossen frowden vñnd  
weinendē augen vō den seynen empfangen. Vñnd  
an dem Lantuoit Burchart von got offenbarlich  
gerochen. Der vō seynen eigen dienern im feld ers  
stochen/vnd also vō got gepflagt ward / das seyn  
pfert weder hinder sich noch vorsich gehen moch  
te/wie ser er das tribe vñ spote/darauff er doch vil  
maln da vor entritten/vñ von natur schnell vñ wol  
loffende was. Dis ist der ausgang des Priester vñ  
des vñd kirchē robbers Burcharts des Lätuoits  
weylund tzu Meyssen.

## **Das. xx. Capitel Wie der heilig**

Vatter Benno gen Rom getzogen vnd was im  
do begegert sey.

**S**obald der heilige Bischoff Benno wid in  
sein stift kōmen was. Schickt im der Papst  
Gregori⁹ der sibende ein bottē/vñ vordert ine pers/  
sonlichē bey sin tzu Rom tzuerscheynē. Wie wol er  
nu do heymē mit vil geschefften beladē/vñ seyn ges  
genwertikeit allenthalbē von notten gewest were.  
Noch dan in betrachtüg der schrifft die do sagt/dz  
gehorsam besser sey dan opfer/erhube er sich vñnd  
kam mit grosser fhar vñnd mhue gen Rome in die  
Stadt/aldo ine der Babst gar schonn empfinge  
dan er vil vō seiner tuget vnd gutē lebē gehört hette  
Er schicket ouch (damit er ine dester leuger bey im  
behaltenn mocht) die weyl ein weych Bischoff in  
sein stift/mit namen Herrē Dietrich mit bapstli/

ober commission vnnnd brüen an das Capitel das  
sie ine solten annehmen. Im ein Prebend vnd vor  
sehunge tzustehen lassen/vnnnd mit ander notturfft  
vorsorgē/als dan geschahē. Dieser Weychbischoff  
was ouch gar ein fromer heiliger man/vñ macht  
im ein grosses lob im land tzu Meyssen. Vnd als  
er 3 tag eines gen Colditz tzoige/vñ wolte do wey  
hen/ward er auff dem weg ser schwach vnd kräck/  
das man in aller nehest do bey in eyn Moln furen  
must/aldo er mit grosser andacht vorschide/vnnnd  
het seynem Caplan beuolhen. Wan er sturbe/ solt  
man des Mollers Esel an die Barr spannen vnd  
wohin sie in tragen doselbst begraben. Das also  
geschahē vnd furtenn ine/die Moel Esel bis in dz  
dorff ader fleck Hart/do selbst gelegē/do er begra  
ben ward in die kirchen/vnd sagenn die eynwoner  
des gemelten dorffes Hart noch auff den hutigen  
tag vil gutes vnd wundertzeichen von im die er ge  
than sol haben.

## **Das. xxi. Capitel Wye Bischoff**

Benno widerumb von Rhom heym komen.

**D**ye weyl Bischoff Benno tzu Rhom bey dē  
Babst wonete/quamen narwe getzeyten wye  
die Churfurste/den Keyser abgesetzt vnnnd seynen  
Son Heinrichē den funfften konig an seyn Stadt  
erwelet hetten. Ouch ward im geschriben wie seyn  
Weychbischoff mit todt abgangen wer. Derhalb  
er lenger nit vorharren oder von seynen kirchē auß/  
bleybē mochte/also bat er vnd erlanget seynen ab/  
schydt von dem Babst/der ine gern lenger bey im  
behaltenn ye doch do er sag das nith anderst seyn/  
wolte er ine auch nit lenger auffhalten/vñ gab ine  
mith/gar vil freyheit genadt vnnnd Abias vnnnd vil

Kostlichs Heilthums. Welches tzum teyl noch bey  
seynem grab in ein kleyne Monstrantz gefast ist/  
da mit man die Pilger besthreychet / das / dye arth  
vnd wunder an im hat / das etzlich stuck vnd parti-  
ckel / tzu etzlichen tzeyten / vnd von etzlichen personē  
gesehen werde / vnd her vor treten / den andern ber-  
gen sie sich / wollen nit tzu allen tzeyttē / auch nit vō  
allen lewthē gesehen werden / dis vnnnd andere ko-  
stliche gaben bracht Bischoff Benno mit im von  
Rhome / vnnnd als er gen Meyssen quame / wolth  
nit mit eynem gebreng eyntzyhen / oder im entgegen-  
gehen lasszen / weye vorhin beschehen. Sonder tzo-  
ge stillschweygend als ein gast oder vnbekeer in  
ein Herberg. Nu was dem wirdt / an alles geferde  
desselbigenn tages ein grosszer Elbfisch gebracht  
worden. Vnd als er den Risse / in gegenwertickte  
Bischoff Beno / fandt er in seynem bauch nahēdt  
bey den federn / die Schluffel tzu der kirchen. Dye  
Bischoff Benno doer hynweg getzogen was ( vñ  
den Keyser vnd alle die im gehorsam / auß beuell  
des Paps in ban gethan ) in die Elb geworffen  
vnd die kirchen tzugeschlossen het. Welcher so bald  
in der gantzen stadt lawtmher ward. Also dz ouch  
die Thumben tzu lieffen / vnnnd erkanten do iren  
Hyrten vnd bischoff den sye mit grossen hertzliche  
frowden auff den Thum hinauff fureten vnd lob-  
ten goth in seynen gaben vnd wunderwercken.

**Das tzuuepundezwentzigste ca-  
pitel Von dem Heiligen Tal vñ Born Bischoff  
Benno born gonant.**

**N**ach dyser tzeyt vnd gnugsamer bewerüg sey-  
nes diners / gab got / dem Heiligenn bischoff  
Benno hynfurt auff seyn alde tag frid vnnnd ruge.

Das er seynen stift vnd was dar in vorheret wyder  
umb auffrichten/vnd sich erlidten schaden erhollē  
mochte/tzuuor an bey den Wenden an die im der  
Babst ein szonderliche Lōmission vnd volmacht  
gegeben/sie von allen iren sunden tzu enbinden dye  
heilige tauffe vnd Christenlichen globenn mit tzu  
teihn. Vnd sie von irer abgoterey mit dem Ban vñ  
andern Penen zudringen. Derhaiben forderth er  
etzliche tzu yme gen Meyssen vñd sieng in an tzu  
Predigen/vnd seyn bapstlichen beuelh tzu erkennē  
tzugebē/do ward in kurtz ein solich tzulofft vñ mē  
nige/das man in der stadt nit gnug rawm od her  
berge haben mochte. Do versamelt er das volck in  
ein schonē lustigen grund oder Tale/gegen auff  
gang der Sonnen vngesfarlich bey tauwet schrittē  
von der stadt Meyssen gelegen/vñd Prediget do  
alle tag vnd beforzte gar vil volckes tzu got/vnd als  
auff ein tzeyt die Sonn heysz scheynet vñ dye lewt  
vor grosszem durst noth lidten/bat er got vñd er  
warb/doz do ein grosszer quall vnd born entsprāge  
damit das volck wzd erquickt vnd gesterckt ward  
Da von das obgenante Tall noch auff den heu  
tigen tag/das heilige Tall vnd der born Bischoff  
Benno born benant werden. Also warden von dy  
sen vnd andern wundertzeychen gar vil Wenden ge  
taufft vñ seyn heilikeit ye lenger ye mher vor marckt  
vnd außgebreit. Wye wol er in dem allen nicht zik  
sucht oder begert dan die Ehr gotes vnd der men  
schen selikeit/vñd wolte nit das man im dye ding  
tzumessen oder nachsagen solt.

**Das dreyundtzwentzigt Capitel.** Wye er mit treugen fussen vber die Eb gangen  
vnd andern wunderwercken.

**I**n einem kleinen Buchlein / das zu Hildesheim in dem Kloster do Bischoff Benno in ertzogen / itzo erst bey disen tzeyten wunderbarlich vnd von geschick gotes erfunden ist / liest man vnd ist ouch hie im landt die gemeyn rede / von alder her / das / als der Heilige Bischoff Beno auff ein abent spat von dem obgenanten Heilige Tale / in die Stadt Meyssen gehen wollen / vnd besorgeth / er mochte velleichte beschloffen werde / wo er weyt vmb gienge. Da er das creutz vor in gemacht / vñ also vber die Elb mit trewgen fussen gegangen / dz ein Moller der im nach gefaren ersehen / vñ bey ihm selbs gesaget. In dem nammen / do Bischoff Benno hyn vber komen / wil ich ouch hyn vber faren / vnd also mit pferdt vnd wage vnuorseret hinnach komen / den der Heilige Vatter darumb mit ernstlichen worthen angeredt / vnd vorbotten / das nyemand zu sage noch ynimer in her nach tzu thun die weyl er lebte. Douch findt man in dem selbē buchlein wie er eis tages auff ein acker kome / do er die schnitter vor grosser arbeyt vñ hitz sere math vñ schwach gefunde. denen er aus mitleide das wasser zu weinne machte / vñ also stillschweygē / den schnittern yn bewust von inen hinweg gienge. Do nam seyn iunger / der das gesehen / vnd stete auff in wartteth / ein holtzen gefes vol wasser vnd sagt zu den schnittern. Nempt war / ich will euch ouch wol ( wie mein herr ) das wasser tzu weyne machen / vnd thet das creutz daruber / we er von seynem herren gesehen / wardt das von stund an tzu weyne des sich dye schnyder sere verwunderten. Laberenn vnd frischeten sich da mit das sie all ir mudikeyth ledig wordenn. Er pflege ouch oft vnd vil in das feldt hyn auß tzu gehen / vnd do seyn beschollicheit

vnd andacht tzu haben in den creaturē gotes / vnd  
las er auff ein tzeit / bey einē deiche hin vnd wider  
gienge / vñ die frosche inē mit irem geschrey an sey /  
nem gebet vorhindertē gebot er inen / das sie mustē  
stillschweygē / vñ lāg darnach / siel im eyn d spruch  
der dreyer kinder / der do saget. Loben vñ benedey  
en got / alle thier vñ bestien / vñ alles das im wasser  
bewegt wirdt. Derhalb gedachte er / es mochte vil  
leycht ir gesang got beheglicher seyn / wed sein ges  
bet / das so schwach / dz er sich die frosch liesse dar  
an vorhindern / vñ gebote in widerumb tzu singen  
vnd tzu schreyen so vil als vor ye gethan hetten.

### **Das. xxiii. Capitel vñ seyner be scholichheit vnd ander gaben gotes.**

**D**er Heilige Bischoff Benno / bescharet sich  
wo dise wundtzeichē von im offenbar / wur  
de er vil anloffens haben vñ mochte villeycht in ein  
geistliche hoffart dadurch fallen vñ die gnade gos  
tes vorlire od tzum wenigistē in seiner andacht vñ  
bescholichheit tzerstort werdē. Derhalbē bestalte er  
die gotlichen ampter in dem Thum tzu Meyssen  
wie er best kunde vñ mochte / vñ tzo ge er stillschwe  
gēth alleyn mit einē Caplā / in das dorff Narwin  
borg tzwischen Grimme vñ mogeln gelegē / bau  
et im do ein tzeile in die kirchē hineyn / wie man die  
noch auff den hutigē tag ( wie wol tzerbrochen vñ  
bauwellig ) findet Die weyhet er in der Erh Marie  
vnd aller gotes heiligē. In welcher tzeile er mit sey  
nem Capellan ein lange tzeyt lebte in grosszer be  
scholichheit / vñ wan im die tzeit lang was / gieng er  
vor das dorff hinaus spacirn / vnd betē / auff einen  
acker / vff welchem acker noch auff den hutigē tag  
das Korn an dem ort do er gegangen / alwegen ehe

rewff/leuger/vnd Kornhafftiger wirdt/ Das ander  
das man ouch augenscheynlich ein vnderscheid/ge  
gē dem andern Korn erkennē moge. Es stehet ouch  
noch auff den hutigen tag ein Bischoff mit einem  
bischofflichen stab vnd infeln in der selben kirchen  
gemalet vnd darob geschriben Sanctus Benno/  
den im (als man sich vornuth) die nachkomenn  
pfarrer doselbest/zu Ern also haben malen lassen  
Duch findt man von im beschriben das er die gna  
de/tzu lateyn agilitatis genant vō got gehabt/vnd  
in eynēnu/wan er wolte/tzu Meyssen vnd so bald  
wyd in dem obgenantem dorffe gewest sey/da von  
die eynwoner noch wissen zusagē vñ das von iren  
Eldern gehört habē. Derhalbē noch auff den heu  
tigen tag ein grosser tzu lofft vnd ablas ist/doselbst  
bey inen drey tag vor vñnd nach aller heiligen tag/  
in welcher Ehr (wie vor gesagt) die kirche dosel/  
best von Bischoff Benno geweyhet wardt. Man  
findt ouch wie er vō got die gnad vnd den geist der  
Propheetzey gehabt. Dan er vorhin lang ehe dan  
das Kloster die Zelle genāt (das itzo ein Kloster  
ist im lād tzu Meyssen Listertzer ordēs) auff qua  
me geweyssaget/das do ein geistlich wonung vnd  
Kloster gebawen werden solte. Dergleych dem  
Marckgraffen/der ine als man saget/an ein backē  
geschlagē habē soll/das goth den schlag/vber ein  
lar/an dem selbigē tag/an im rechē wurde/dz dan  
alles gescheen/vñ sich mit d that also erfundē hat.

¶ Das. xxv. Capittel vō seynē seligē Ende,  
**D**er Heilig Vatter Bischoff Benno/Erkäte  
durch gotliche offenbarūg/dz die tzeit kōmē/  
dz im got seyn grosse mhue vñ arbeit belonē/vñ vō  
diser welt erfordern wolde. Derhalbe mit grossen  
frewdē vñ moglichem vleyssē schickt er sich auff sei  
nen abschid/darauff er lāg gehofft vñ gehart hette

vñ berufft derhalb selne brud die Thüheru vorhin  
tzu im / vñ fing an also mit inen tzu redē / itzo ist dye  
stüdt kōmē allerlibstē brud / nach d̄ ich mich lange  
tzeit gesenet hab / vñ der vil maln begerth / tzum teil  
ausz begir vñ vorlangen tzu d̄ ewigen selikeit / tzum  
teill abtzu leyne den grossezn last vnd sorg / damit  
ich vmbgeben was / Derhalb ich got oft gebeten  
mich hinweg tzu nemē / damit ich nit sche / die gros  
se vnere / schmach / vñ veruolgūg / die mir / vñ gemei  
ner Christlichē kirchē bey vnsern getzeytē zugefugt  
vñ besorgte doch danebē / got mochte ein miszfall  
darin habē / dz ich seyner eynleitūg vnd bewerung  
mehr mit d̄ flucht / dan mit eynē manlichen vnd be  
stendigē gemute / begegē vñ die gedultiglich annhe  
mē tragē wolt / vñ in solichē tzuweyuel satzte ich das  
zu got / tzu sterbē od̄ tzu lebē. Wā vñ wie lang seynē  
gotlichē genadē wol behagte. Dortzu mir vō gote  
dan die gnade vorlyhē / dz ich wie ir dan tzum teyll  
gesehē hab / des keyser gefengnis / Burckharten  
des amhtmās zu Meyssen freuel vñ gewaltigē eyn  
griff / des Marggraffen backenschlag / vñ aller dye  
mich verfolget / drawe / hon vñ anfechtūg / mit ge  
dultigē hertze vberwūdē. Die dan keyn and̄ schuld  
noch vrsach tzu mir gehabt / dan dz ich bapstlicher  
heilikeit / vñ dē Stul tzu Rom gehorsamlich ange  
hangē / Keyser Heinrichē vñ seyne mithelffern die  
d̄ Babst in den schwerē ban hat vorkūdē lassen als  
bennig gehalten / vñ dz so meiner kirchē entwert ge  
west / mit dē ban vñ andern geistlichē penē wider  
umb eingemāt vñ erlāget / so lāg bis ich nu / got sey  
lob vñ ehr / die selbigē vnd d̄ kirchē / nahēd all vber  
wunden vnd mein stift wider tzu fridt vnd gutem  
gedeyhenn gebracht habe. Ob ich nu / ader sye dar  
an vnrecht gehandelth / wirdt goth als ein gley  
cher vnd rechter Richter wol erkennen vnd ortern.

Dan ir etzliche vnd tzuinoran Kesser Heinrich vnt  
lang nach meynē abschid hienach kōnen rechnūg  
geben vnd iren lon empfangen werden. Dieweil ich  
euch aber / vmb meynes abthuls willen etwas be  
trubt vormerck vñ bekūmert. Wil ich euch tzu trost  
vñ ergetzlichkeit nit bergen / das ir nach meynē ab  
gang / vmb meiner vorbete wegē / widerūb an mein  
stadt haben werd ein Bischoff / der eins fromē vñ  
seligē lebēs seyn wirdt / vnd das so der kirchen noch  
aus stehet / moglichē vleys / widerumb einbringen.  
Duch da nebē den dienst gotes vnd die gotlichen  
ampter getrawlich helffen inhern vñ fordern. Der  
gleichē wil ich ouch / wo ich anderst die genade bey  
got finde / diser kirchē / Ewer. vñ ewer nachkōmē nit  
vorgessen / vnd die mir ein mal beuolhen / ewig in  
meyne vorbit behalten. Derhalbē alle die thene die  
meyne nachkōmē Bischoff tzu Meyssen / od and  
personen oder guter der kirchē einichē schaden od  
vorletzūge tzufugē werdē / wil ich bey got schwerlich  
beclagē / vnd ob inen gleych ein tzeytlang ired mut  
willigē furnhemēs gestat / wirdt doch solichs ent  
lich vngestraft nit bleybē / vnd meyne nachkōmen  
im grund befindenn das ich ir nit vorgessen habe.  
Welche ouch meiner kirchen oder der selbigen gli  
dern / trost / hilff / radt / oder and wolthat beweysen  
werden an mir ouch ein sondern Patron vnd vor  
sprecher haben. Derhalbē meyne allerlibsten brud  
so wollent selbs ouch vleys vorwenden / vñ damit  
ir disem stift dester bas mogt vorstehen / vnd in ge  
deyhen helffen erhaltē / einander getreulich vñ brud  
lich meynen / aus hertzen vnd nicht allein mit dem  
munde / dan ye mehr einer den andern / getrawlich  
meynen vnd liben / ye in her euch got vor euch bittē  
de erhoren / vnd euch von ewern anligenden sachē /

vnd den hende ewer finden erlosen wirdt. Entlich  
bin ich erbutig einē yeden seynen verdinst nach gu-  
tes od boses bey got tzu bittē/vñ tzu erwerben. Vñ  
als er dis/vñ dergleychen vil ernstlicher wort mit  
inen geredt het/befal er inn wie sie ine nach seynem  
todt in den aller hinderstē winckel in seynen kirchen  
begrabē soltē/reichet einē itzliche seyn hand / vñ  
gab also vnlang darnach seynem geist/got seynem  
schopffer widerumb auff mit grosser andacht vnd  
innikeit mit einē edeln Buch vil wolrichender tuge-  
ten vñ wardt begrabē tzu Meyssen in den Thumb  
wie er beuolhē/Nach Crist vnser liben herren ge-  
burt/Lauset/hundert vnd sechs iar/seynes alters  
im sechs vnd newntzigisten/vñ seynes Bistumbs  
im viertzigisten iar/den sechs zehenden tag des Mo-  
nats Maij.

Die endet sich das lebē des seligē Vatter  
Bischoff Benno/ auff dz kurz  
tzeit vō dem Lateyn in das  
tewtsch gebracht vñ aus  
getzogē. got sey lop  
erb/vñ dāck  
ymmer vñ  
ewig  
AMEN

**H**ye nachuolgen Etzliche Mira-  
ckel vnd wundtzeichē/so d almechtig / durch den  
Heiligē Vatter Bischoff Benno/vō der tzeit sey-  
nes todes bis auff disen heutigen tag gewurckt/vñ  
noch teglich erscheynen lest.

**G**leych wye der almechtig ewig vñ barmher-  
tzig got/seynē getrawen diner Bischoff Ben-  
D

no/im leben mit vil sondlichē genadē vñ wunder/  
tzeichē begabet/also hat er im ouch/von der stund  
seynes abschides von diser werldt/bis auff disenn  
heutigē tag dise genad gethan vñ verlihen/das in  
seynē namē vñ vorbit/gar vil mensche auß iren an/  
ligende nothē vñ ferlichēytē leybs vnd lebēs /tzum  
offtern mal erloset/vnd gnediglich enthalten sint.  
Welchē allem tzu in her becrestigūg vñ sicherheyt  
sich so bald nach seynē abgang begebē / das (weye  
er vorhin gesagt vñ gep:ophetzeyet )nach im vñ an  
seyner stadt das Bistumb zu Meyssen erlangt hat  
¶ **H**einricus gar ein gotsforchtiger frōmer man d  
der erste anheber vñ stifter gewest/des Stifftes zu  
Wurtzē/vñ der kirchē vñ Bistūb tzu Meyssen ouch  
getrawlich vnd wal vorgestandē ist. Duch sint vns  
lang nach seynē tode/vorscheidē obgenäter Keiser  
Heinrich der virdē König/vñ der Marggraff der  
ine/wie obstehet/an ein backen geschlagen/vñ ha/  
ben beide ein solich end genomē wie er inen vorge/  
sagt/dan wie ir lebē also ist ouch gewest ir aufgāg.

¶ **D**er Selige Vatter Benno hat ouch seyn tzu sa/  
gen das er seynen brudern vñ d kirchē tzu Meyssen  
an seynē end gethan/mercklich vnd scheynlich bes/  
weyft/an Marggraff Wilhelman loblicher gede/  
chtnus/der etwan tzu Bryn vorgschiden / vnd tzu  
Meyssen im Thum begraben liget. Welcher dem  
Stiff tzu Meyssen/bey seynen getzeyten ouch vil  
vberlastes/gewaltes vñ gedrencknisz anleget. Der  
halbē ime bischoff Beno auff ein nacht im schlaff  
entschine/mit ernstlichē wortte anredēd vñ warnē/  
de/vō solichē seynē vornhemē abtustehē. Dñ als er  
dz morgēs seynē Kettē vorhilt/lachtē sie des vñ sa/  
getē es werē Thronne den nicht tzu globē der man

ouch nicht achtē solt. Vñ hetzte vñ reitzte in yhe len  
ger ye mher an/die kirchē tzuuorwolgē. Tzu letzt do  
er die vorgethanē warnung nicht betzigen wolth  
quame bischoff Benno wyd tzu im in dē schlaff/  
vñ heth in seiner hādē ein bornende factel/die er im  
in dz oug stiesse/derhalb er morgēs/als er auff stū/  
de /einoget was vñ mochte mit dē selbē oug all sei  
tag nit mher sehē. Do ginhe der frōme furst erst in  
sich selber vñ bedacht wye im seyne Ret vorfuheret  
betten/bussēt sein sund/vñ thet d kirchē zu Meisszē  
vil abtrags vñ widerstattūg an Kleynetern/vñ andē  
Er stiftte ouch in gemelte kirchē funff ewige geist/  
liche lehen vñ Vicarien/eine Sāt Nicasiē. Die an  
dern Sāt Ottilien/die dritte Sāt Borigē. die letzte  
tzuu auff dem altar d heiligē dryfaltikeit/bynder  
dem Er/sampt seynē gemahel ifrawen Elisabeth  
aus dē ifurstlichē hawsz Brüschweyg geboren/be  
grabē ligen. Die man in gemelter kirchē/iarlichē zu  
mher maln/erlichē begehēt/vñ ir gedachtnus halt  
mit Vigiliē/Selmessen/vñ andē gotlichē amptē.  
Da mit er vngetzweyuel dz so er vorhin aus bosē  
Rat vñ anreytzūg wyd die kirchē geubt /abgelegt/  
vñ außz ein Son des tzoans/ein kind worden ist d  
ewigē selikeit.

¶ Der gleychē vñ vil andere wundwerck hat d hey  
lige vatter bischoff Benno/durch sein vordist bey  
got erlanget/vñ in steter vbūg also fur vñ fur herge  
bracht bis auff Witigonē/den andern dis namens  
bischof zu Meyssen/vnd dē sondlich gar vil tzeichē  
geschehē/vnd grosszer tzu loff. des volkes gewest/  
Derhalb er ine außz dem winckel dar inn er vorhin  
begraben/erhaben/vnnd in ein erlichen Sarch vñ  
außgehawen steyne grab/mitten in die kirchen

D ij

(wie man das noch findet) geleyet. Welche erhe-  
būg gescheē ist/bey dem obgemeltē Bischoff Wit-  
go/do man schrybnach Christi geburth Lauszet/  
tzweyhundert vñ Sibentzig iare. Es sint ouch tzu  
der selben tzeyt/von dem weyn do mit seyn gebeyn  
ausz gewaschen gar vil lewth gesund worden /vnd  
grosse Mirackel geschē. Die gedachter Bischoff  
alle/durch globwürdige getzewgē hat lassen besich-  
tigen/vñ vortzeichē/wie die tzum teill hernach vol-  
gē/vñ d̄ groste teil vmb kurtze willē aus gelassen ist  
**Meyssen.** Anno dñi 2c. M. cc. vnd lxx iare. Dat

Heiligkeit Benno.  
2c. d. v. p. 137. l. 10. u.  
Filius.

ein Borger tzu Meyssen mīth nomē  
Heinrich von Owa/ein sou gehabt der hīndē vnd  
fornen hockericht gewest/vñ im dartzu dye ferszen  
vnden an den fuessen /für sich vnd die tzeihen hyn d̄  
sich gestandē/das also sechs iar an im geweret/hat  
ine sein Vater vnd die Mutter tzu Bischoff Benno  
gelobet vñ gebracht/ist d̄ hocker so bald allenthal/  
ben verschwundē vñ sich die fuisse vmb gekort/vnd  
wyd tzu irem naturlichē stand vnd wesen kōmē.

**Dobeln.** In dē Selbē iare als der obgenāte  
bischoff Witigo/dz spital tzu Meyss-  
sen weyhet/Dinstage nach dē Heiligē Pfingstag  
ist ein Dobe fraw vō Dobeln kōmē / die in vil iare  
nicht gehort/vnd aldo bey Bischoff Benno grab ir  
gehore wyderüb erlāget durch seyn heilige vorbit.

**Dresden.** Vff obgemelte Jar vnd tag / als d̄  
genante Bischoff/nach itz gedach-  
ter Kirchweyhūg/dem volck Predigete/ist ein from-  
mer erlicher Burger von Dresden kōmen vor ge-  
melten Bischoff/vnd do vor allem volcke offenbar-  
lich bekante/vnnd auszgesaget/das seyn weyb vñ

lang da vor ein kindt geboren / dem die knye an dye  
brust gewachssen / vnd also schlin vn frun gewest  
das man das kom vor ein menschen erkennen mo/  
gen / das sie nach dreyen wochenn beide samptlich  
mit gebogen knyen zu bischoff Benno gelobet / do  
habe / das kindt von stundt an ein menschliche ges/  
stalt gewonnen vnd alle gelider in einē nu an ir nar/  
turliche stell vnd ordnung vorsamelt worden.

**Meyssen.** In dem obgeschriben iar an Sant  
Joānes des toffers abēt / hat Hein/  
rich Prutze / der ein dyner gewest Albrechtē Mars/  
chalckes dotzumal Amptmāns auff dem Schlos/  
tzu Meyssen / ein kindt gehabt / das funff iar kräck/  
gewest / vnd auff den selbigen abent als es tzuwuf/  
chen vater vnd muter in dem beth gelegen. Haben  
es die eldern morgens todt gefunden / vnd mit ey/  
nem lamerlichen geschrey vnnnd hewlenn mit im in  
dye kirchenn tzu Bischoff Benno kōmē / als man  
dye Metten gesungen. Do nu dye Priester das ges/  
chrey erhört vnd tzu geloffen / hat sich das kindt wy/  
derumb anfahen tzu regen / auffgestanden / vn mit  
seynen eldern gesund vnd frisch heym gegangen.

**Freiberg.** Anno dñi 7ē. M. cc. vnd im lxxix. ia  
re hath ein Burgerin tzu ifreyberg  
mit namen Petriza ein son gehabt / der tzehen iar  
mit der fallenden Sewech beladen gewest / vnd do  
sie ine zu bischoff Bēno gelobet / hat ine dye sewech  
vorlassen vnd nit widerkōmen. *Quar. dipl. c. p. 139. legit. Act. Jan. 1298.*

**Kotzbrode.** In dem selbigē iar ist eines bau/  
ern son von Kotzbrode gestan/  
den in eyner grubē vnd leym gegrabenn / auff den

ein groß hawff erdē vñ leyms gefallen/darunder  
er wol so lang gelegē als einer ein Lewtsche meyl  
weges gehē mocht/vñ do man in heraus gebracht  
hat man keyn lebē mher an im befunden / aber als  
bald ine seyne Eldern zu Bischoff Bēno gelobet/  
ist er widerumb gesund vnd frisch auffgestanden.

**Meyssen.** Anno dñi 7c. M.cc.lxxx. Hat Diet-  
rich ifleischer tzu Meyssen ein doch-  
ter gehabt die lange tzeyt blind gewest/vnnd nach  
der globnis tzu Bischoff Bēno wyd sehēd wordē

**Ysenach.** Anno dñi 7c. lxxxij. Als Witigo der  
Bischoff tzu Meyssen tzu Eysen-  
nach gelegenn/hat seyn wirdt doselbst mit namen  
Wernher Belgere ein tochter gehabt die sechs iar  
mit einer schwerē vñ wundlichē krankheit beladē/  
die also gequelt das vor irem geschrey vnd hewlen  
nyemant hat schlaffen mogē. Die nach der gelob-  
nis tzu Bischoff Benno/gemelther ir krankheit  
ouch genediglich entledigt worden.

**Lawca.** In dem selbigen iare / hat gemeltem  
Bischoffs Witigo hoff Marschalck/  
ein Erber manc/mit namē Cristā vō Lawca den  
Stein also hart gehabt/dz er sich sterbēs vorwegē  
Aber bald nach dē gelobnis zu Bischoff Benno  
ist ein solicher steyn von im kōmē dz natürlich nith  
möglich gewest/dz er lebēdig blibē. Wo im durch  
dye vorbit des heiligē vaters nit geholffen wer.

**Dyser und der gleych vil tzeichē**  
vnd wundwerck/sint vnd den beydē Bischoffenn  
Witigo dem ersten vnd dem andern dis namēs ge-  
schehen/die hie vmb kurtz willen auß gelassen sint

**Meyssen.** Anno domini. M. ccc. lxxxvi. Hath  
Herr Niclas ouch Bischoff tzu  
Meyssen bekant vor eynē gantzen Capitel / wye er  
vor sechs jaren gefangen gesessen / vñ wen er anges  
ruffen / hab im nyemant helfen wollē / bis er sich zu  
Bischoff Benno gelobet / do sey er bald darnach  
auskömen vnd all seyn sachen gut worden.

**Glim bey Starochau.** Anno dñi. M.  
ccc. lxxxvii. Ist  
gen Meyssen kommen Elizabetha von Glim bey  
Starocha gelegē / vñ aldo bey irē gutē getrawē be  
fant das sie vier gantzer iar aussetzig gewest vñnd  
nach der globniß tzu Bischoff benno gantz vñnd  
gar gereyniget vnd gesund worden sey.

**Kemnitz.** Anno domini. M. ccc. lxxxviii. Hat  
der Pfarrer zu Kemnitz mit namē  
Herr Cunrad / ein Wechssin herwzlin die helft rot  
vñ die helft gel gen Meyssen vor Bischoff Beno  
grab gebracht / vnd bey seyn gewissem erhalten  
Wye ein Burgerin von Kemnitz tzu im kömen vñ  
im gesagt / das sye etzliche tag tzu Meyssen mit eyn  
nem krame bey Luntzen Schneyder tzu Herberg  
gelegen / vñ ir Bischoff Benno do selbst in d nacht  
erschynen / vñ sie gefragt / was sie do machte / dem  
sye geantwurt / was sie dan machen solt / vnd er ir  
gesaget / sie solte eylentz heym tzyhen vñnd ir hawß  
vor fewer bewaren / Also wer sie morgens von stüd  
an auff gewest / vnd den andern tag darnach / als  
sie heymkömē. Die Stat an sant Peter vñ Pauls  
tag gantz außgebräth bis an ir vñnd des pfarrers  
hawße. Derhalb d gemelte pfarrer das ob geschri  
ben Wechssin hawß gen Meyssen gebracht.

**Seberg.** Anno domini 2c. M. ccc. lxxxv. Ist gen  
brad von Seberg vnd sampt tzuweyen getzewogen  
bekanth/das sye bey den vier iaren mit dem bosen  
geist besessen gewesen/vnd nach dem sye dye gemelst  
ten getzewogen tzu bischoff Benno gelobeth/des  
selben ledig worden sey.

**Leyptzk.** In dem selbigenn Jar ist ouch gen  
tha ifrawensteyne von Leyptzk/vnd mit irem eyd  
erhalten das sye in vier iaren keyn tritt hab gehen  
mogen/dan sye ein fistel an eynem fueß vnd newn  
rinnende locher gehabt/dye szo baldt nach der ge  
lobnisz geheylet/vnnd sye sich erhabenn Bischoff  
Benno ein opffer tzubringen.

**Prag.** Anno domini 2c. M. ccc. lxxxvi. Ist eyn  
Burgerin tzu Prag mit namen Agnes  
Kracowitzin ein lange zeit blind gewesen/vnd sich  
tzu bischoff Benno gelobt. Dye ir gesicht so bald  
empfangen vnnd gen Meyssen mit eynem Silber  
rin opffer kömen ist.

**Northausen.** Anno dñi. M. ccc. lxxxvij. hat  
namen Ostrolt/ein bluthflus gehabt funff gan  
tze iar vnd nach der gelobnis tzu Bischof Benno  
so bald da von entlediget worden.

**Hayn.** Anno dñi M. ccc. lxxxviij. Hat Thōas  
vom Hayn ein Burger do selbst bekant  
weye er tzuwelf iar gichbrichig gewesen vn̄ wed hend  
noch fueßz regē mogen/Dem /so baldt er sich tzu  
Bischoff Benno gelobt hat gnediglich geholffen  
worden.

**Czeytz.** In dem selbigen Jar ist Nickel Teche  
witz von Czeytz gen Meyssen komen  
vñ mit seynē eyd erhaltē dz er durch vorbit des hei  
ligē Vatters Bischoff Benno von der schwerem  
pflag Sant Valtins seroch erlediget sey.

**Leyptzk.** Anno domini. M. ccc. lxxxix. ist Herr  
Joann Koltener Chorher tzu Sāt  
Thomas tzu Leyptzk von dem schlag gerurt wor  
den auff der tzügen/vñ in dem rechtē arm/vñ also  
von dem freytag bis auff den Montag sprachlas  
gelegē. Der sich tzu Bischoff Benno gelobt vnd  
ist von stund frisch vnd gesund worden / vñnd den  
andern tag darnach außgangen sein gelobnis tzu  
uorbringen.

**Swartzburg.** Anno domini. M. cccc. hat  
ein man mit namē Heinrich  
von Swartzburg der lange tzeyt den kramppf ges  
habt vnd grosse quelüg daran erlidten / Bischoff  
Benno ein opffer gen Meyssen gebracht / also er  
von seyner Franckheit ledig worden.

**Merseburg.** Do das Conciliū tzu Basel ge  
halten vnd d Bischoff vō Mer  
seburg mit namē Joannes / von gemeltē Conciliū  
heym kōmē / vnd seyn Stadt in grossen serwes not  
then gefundē / hat er sein kirchē dem Heiligen Bi  
schoff Benno beuolhē / die wundbarlich vor dem  
fexer erhaltē vñ vnuorsertb blyben ist / des tzu eyn  
tzeichē er seyn opffer gen Meyssen geschickt / sampt  
einer holtzen kirchen dye noch bey Bischoff Ben  
no grab hanget.

**Meyssen.** Anno domini. M. cccc. lxxx. Jar ist  
der Hauszman vff dem Weyssenn

thurm im Schlos zu Meyße / 8 bey .xliiij. elē hoch  
obē vō dem fenster herab gefallē / auff etzliche Klotz  
holtzer / die vnden an dem thurm geleynt / hatt in  
seyn weyb vō stund an mit grosser andacht tzu Bi  
schoff Bēno gelobet / 8 im dan in dem fall entschei  
nen was / also ist ein Kleyne weyl gelegen / vnnnd dar  
nach auffgestanden vnd gesund vnd frisch tzu Bis  
schoff Benno grab kōmen.

**Meyßen.** Anno dñi. M. cccc. lxxxvij. Ist Der  
dechant tzu Meyssen in schwerer krankheit geley  
gen / daran drey Doctores die beröbtestē im Lādē  
vertzaget vñ im dz lebē abgesagt / vñ so er in todes  
angst gelegen / hat er ein gesicht gehabt. Wie er in d  
Elb schwime vñ entlich vnd bischoff Bēno grab  
kōmen vñ do geruwet. Do er nu erwachet / vñ das  
gesicht bey im bedacht / hat er sich tzu bischoff Bē  
no gelobet vnd ist wunderbarlich gesund worden.

**Meyßen.** Anno dñi. M. ccccc. vnd ein iar. Ist  
die Elb tzu Meyssen so gewachssē  
das sie ein Joch an d bruck hynweg genommen / dar  
auff tzuwen menner vñ ein fraw geweest die mit hel  
ler Stim bischoff Bēno angeruffen / also hat sich  
das Joch durch die grosten flut tzum Ofer hinan  
gewendt / vnd die lewt ane engeltis oder schaden  
auskōmen / vñ bischoff Benno ir opffer gebracht.

**Freiberg.** Anno dñi. M. ccccc. vñ. ij. iar. In dē  
Pffingst feyren / als man das spil  
tzu Ifreyberg gehalten / ist ein Knab auß der schul  
von acht od tzeihen iaren vngesfarlich / vnd ein holz  
tzen palast gekrochen / darauff wol tzuweyhūderth  
menschen gestāden / vñ dem spil zugesehen. Welche  
alle / sampt dem Palast / auff den iungen gefallen /

vnd ine also tzerknirschet/als ein mausz vnd eyner  
fallen. Do d̄ Knab herausz getzogen vnd also todt  
auff ein breth gelegt/Hat d̄ Burgermeister do sel-  
best/mit namen Horig Albeck/dz volck angeruff-  
fen/vñ den iungen tzu bischoff Benno gelobet ist  
der selbig iung wydumb tzu im selbs kōmen/vñ vō  
gemeltē Burgermeister/darnach vber ein tzeit lāg-  
gen Meyssen zu bischoff Benno gebracht/vñ dar-  
nach Priester worden.

**Bischoffwerd.** Desselbigē Jares/ist gros-  
feuer außkōmē / tzu Bis-  
choffwerd/hat ein einwoher do selbest mit namen  
Andres Schmidt /die gantzen stadt tzu Bischoff  
Benno gelobet mit einem opfer/vñ das feur sich  
selber so bald gedempfft vnd nider gefessen

**Wolmaszdorff.** In dē selbē Jare /ist Eri-  
stoff Dobels knecht tzu  
kleynen Wolmaszdorff blitzlichen krank worden  
vnd gestorben an alle Sacrament /hat in d̄ wirth  
tzu bischoff Benno gelobet/also ist er wyder redēt  
worden/gebeycht vnd die heilige sacramēt empfan-  
gen/vnd darnach so bald wider gestorbē. Do bey  
ist gewesenn/ Herr Niclas Lemberger pfarrer tzu  
Sant Niclas vor der Stat Meyssen.

**Hertzberg.** Anno domini. M. cccc. vñ iij. Jar  
ist des gleitzmās Son zu Hertz-  
berg lange tzeyt am Roten wehe gelegen /vñ in dye  
Eldern an vil ordt gelobet/das in alles nichtzit ge-  
holffen/tzu letzt/als sie in tzu bischoff Benno ges-  
lobet ist dz kind die selbige stund gesund worden.

**Grippeswaldē.** Anno domini 2c. M. cccc.  
vñ d. iij. Am abent vñns-  
zers herren himelfarth / ist Hans Dufener von

Brispesswaldē an d̄ Sehe gelegē/vnrechtlich cyn/  
gesatzt/vñ also sechs wochen im gefengknus ent/  
halten wordē. Dem in der nacht ein gesicht vorfō/  
men/vñ entschynē ein alter grawer Man /in eyner  
gestalt/eines Bischoffs der tzu im gesaget er solte  
sich tzu Bischoff Benno gelobē gen Meyssen/szō  
wurde er ledig. Das er nit vorstandē /dan er Biss/  
choff Benno vorhyn nye heth horē nennen. Ist im  
die andern vñ drittē nacht der gleych wydumb bes/  
geget/also hat er sich gelobet/wye angesaget. vñnd  
von stund an/ane aller menschen hilff ledig wordē  
vñ den wege gen Meyssen gefundenn (do er doch  
vor in das Land nye kōmen) an alle frag / das er  
also bey seynē eyd erhalten hat.

**Osra.** Anno domini. M. cccc. vñd funff Jare  
tra bey Dresda gelegē. Ist mit dreyen Juncfrowē  
off d̄ Elb gefarē/vñ vor vngewytter in etzliche stū/  
den nit mogen tzu Vser kōmē/in welchē nothen sie  
sich tzu Bischoff Benno gelobet/vñd so bald tzu  
landt kōmen.

**Dobeln.** Anno dñi. M. cccc. vñ sechs Jar/Be  
bitz bey Dobeln gelegē/hat in vier iare kein worth  
geredt/vñ nach dem gelobnis tzu Bischoff Ben/  
no so bald redend worden.

**Lipperdorff.** Anno dñi. M. cccc vñd Sibē  
Jar/Barthel Schmidt von  
Lipperdorff/ist hirn wund geschlagen/vil gebeyn  
aus seynē haupt genōmē. Do er vō einē Priester zu  
Bischoff Benno gelobt wordē ist er genesen.

**Bereswalden.** Anno dñi. M. ccccc. vñnd  
acht Jarr / Anna Burck  
hart Loszen Tochter tzu Henelzdorff / bey Bereswalden / sint beyde faesz antzundt gewesen. Haben sie die Junckfrawen im Closter do selbest tzu bischoff Benno gelobeth / Do sint dem kindt dye fusz vorgebest abgefällē / vñ gen Meyssen gebracht aldo sie bey dem grab hangen / vñd das kind lebēdig beliben.

**Freyberg.** Anno .M. ccccc. vñd .ix. Jar. Vñ  
sula Mathis Schmides weyb zu Weyssenborn bey ifreyberg gelegen hat. xliij. wochen dz Kalt gehabt / nach dem gelobnisz / so baldt da von ledig worden.

**Weynбил.** Anno .M. ccccc. vñnd .x. Jar / Bile  
cins Heiltzner Weynбил bey Meyssen ist gestochē in die brust / vñ newn tag vor tod gelegē / Nach dem gelobnisz tzu Bischoff Benno genesen vñ widerumb heyl worden.

**Alden Driesden.** Anno .M. ccccc. vñd xi.  
Nickel vō d Jhan forster zu alden Driesdē hat Pleuresim gehabt x. wochē / dz die Ertzt an im vortzaget / hat sich gen Bischoff Benno gelobet vñ gesund worden.

**Oschatz.** Anthoni Kunes Son zu Oschatz  
mit namē Blasius / habē die ougen lang wehe gethan vñ im auff ein tag blut auß dem einē oug gegangē / als so man im ein ader geschlagen het nach dem globnisz tzu bischoff Benno ist im aller whetag vorgangen.

**Schmollen.** Anno .M. ccccc. xij. Veyten Ru  
dolffs weyb von Schmollenn hat ein schadē empfangen an einē beyn / gantz vor krumet / bey dreyē jaren auff Trucken gegāgen / hat

E

sich tzu Bischoff Benno gelobet/ist gantz fertige  
worden an alle ertzney.

**Leyptzk.** In dē selben Jar hat Egidij Paul  
tins Sewch beruret/drey gantze woch en alle tag  
drey maln vñ etzliche tag vier maln /ist tzu bischoff  
Benno gelobt worden/gantz entlediget zc.

**Gorlitz.** Hedwig Valtin richters dochter tzu  
Gorlitz hat xv. wochen an der ougen  
kräckheit gelegē/nichtz geschē/vñ keyn artzt noch  
artzney helffen wollen/bis sie sich tzu bischoff Bē  
no gelobet/ist sie genesen.

**Redern.** Anno domi. M. cccc. xliij. Jan von  
Schleynitz tzu Redern gefessen hat  
das Roth durchlossen gehabt/etzliche wochē vil  
artzney vorschuet dz nichtz geholffen. Hat ine seyn  
hausfraw tzu bischoff Benno gelobet/von d tzeit  
er so bald besserung gefulet vnd gesund worden.

**Gorlitz.** In dē selbigē Jar hat Mathes So  
rer von Gorlitz/der dye ifrantzosen  
vier iar gehabt/sich zu bischoff Benno gelobet/vñ  
darnach in drey wochen gantz heyl worden.

**Freyberg.** Michel Heynch Son von Frey  
berg/Ist vō ein steg in die moldē  
gefallē/vñ ein stüdt vnd dem selbē wasser gestossen  
todt darausz getzogen/vñ tzu bischoff Benno ge  
lobt/da durch er Wyder tzu seynē leben kōmen.

**Bawtzen.** Anno dñi. M. cccc. xliij. Hat Kas  
therina Caspar Hoffmans des  
Kupfferschmides hausfraw tzu Bawtzen in ein

des nothen gelegen/so schwerlichen das alle frau-  
en an kind vnd muter getzweyfelt vnd vortzaget/  
Haben ir man/vnd die selbigen Weyber Bischoff  
Benno angeruffen/in dem sie ein tod kind geborn  
das ein lange tzeit also tod vor ougē gelegen/vnd  
durch dye vorbit des heiligen vater Bennonis le-  
bendig worden/getaufft mit namen Caspar. Do  
bey der Prediger do selbst mit namen Jeronym<sup>9</sup>  
Proles vnd ander globwürdig psonen gewest.

**Breslaw.** Ursula Thomas Venedigers  
von Breslaw hauszfrau/hath  
dye ifrätzosen gehabt drey iar langē/dartzu tzuwei  
bruch an den fuessen/vñ ein grosse bewlenn/an der  
Stirnē/besorget dz ir dz oug vorderbē mocht vil ar-  
tzet vñ artzney gebraucht die alle nicht geholffenn/  
Entlich bischoff Benno angeruffen ist sie gesund  
worden.

**Doberitz.** Dorothea Valtin Clemētis meid  
tzu Doberitz bey Meyssen gelegē  
hattzu ir frauen gesagt ob man soll aufflegen tzu  
essen/es sey tzeit. Dye frau geantwurt / sye soll es-  
sen in tauwet trowfel namē/darauff sye geessen/vñ  
so bald mit dem bosen besessen/kein worth geredt  
in funff tagē/vñ grawlich gelebet/dz sie ouch dye  
kinder erwurget/wo man das vbersehē heth. Also  
habē sie dietzu bischoff Benno gelobet / ist ir sach  
von stund besser wordē/vnd in kurtz von aller an-  
fechtung entledigeth.

Anno M. cccc. xv. fare. Ist vor dem Bapstliche  
Commissarien (dem dye getzewgen vber bischoff  
Benno wundertzeichen tzuuorhoren beuohlenn)  
erschinē/ein namhafftiger burger aus d<sup>r</sup> Lawsatz  
vñ bey seinem geschworn eydt getzenget vñ gesagt.

Das er von bischoff Benno nye nichts gehalten  
vnd so er seyne Mirackel auff ein tag an der Pree-  
dig verkunden gehort/het/er bey im gedacht vñ zu  
seynen vmbstendern gesagt/das er decken vnd rich-  
ten die pfaffen an/alley vmb des geytz oder gelt  
des willen/mit andern leychtfertige wortten/vnd  
als er auß der Pree dig heym kōmen/vnd mit seyne  
kindlein (das noch in der wygen gelegen) spilenn  
wollen/wer das kind Sant Valentins Sewch an  
gestossen vnd bey einer gantzten stund hartiglich be-  
ruret. Wye wol er nu des erschrocken/heth er doch  
gehoffet es wurde darnach nit in her noth haben/  
vñ das also in voracht gestelt. Aber den andern tag  
darnach in der nacht/als dye mutter dem kind dye  
Pruß geben wollen/heth es die sewch wid erumb  
berurt vnd die gätzen nacht auß/dartzu den nach-  
uolgenden halben tag also schwerlich gequelt/dz  
er bermlich antzusehen/vnd ein gros wunder ge-  
west/das der geist in dem kind beliben. Do wer im  
erst eyngesfallen/wye das villeycht ein pflag vō got  
mocht seyn darumb das er den tag da vor bischoff  
Benno also offentlich voracht vnd vōsprochen  
vnd hette do das kind mit einem opffer zu gemel-  
tem bischoff Benno gelobet/das vō stund an vō  
seyner krankheit entlediget/vnd darnach drey Mo-  
nat lang der selbē frey gewest wer. Als er aber seyn  
gelobnis in der selben tzeit nit geleist noch gehaltē  
ouch tzuhalten keyn willen gehabt/were das kind  
dy sewch wyder angestossen/vnd bey einer stunde  
samerlich gepeyniget. Do hette er erst gemarckt dz  
solchs seynes vnglobens/vnd das er sein gelobnis  
nit gehalten/schuldt wer. Vnd do das kind mit  
grosserm ernst vnd andacht widerumb mit tzuwey-  
mal so vil opffers tzu Bischoff Benno gelobeth/

Das so bald gesund worden/vnd nach vorbringung  
seyner gelobnis nye keyn anstosz gefuleth. Das er  
got danckte vnd bischoff Benno/vñ hielte gewisz  
da vor das er heilig vnd mechtig bey got sey / wollt  
ouch tzu seyner erhebung getrewlich helffen vnd  
seyne vormogē nach etwas redlichs da bey thun.

**I**n dem gemelten iar hat ouch ein redlicher bur  
ger im Landt tzu Meyssen/vor dem gemelten Cō  
missariē bey seyner geschworn eyd getzewget vñ ge  
sagt/Das er ein dochter gehabt/mit namē Apol  
lonien/die eilff gantze iar von iugēt auff Stum ge  
west vnd bis auff die selb tzeyt keyn wort ny ge  
redt/dartzu sey sie die vallende sucht alle iar vier ad  
funff malen ankommen/vnd hart gequetet. Als sie  
nu eilff iar alt worden/vnd sie die gemelte sexoch so  
gar iamerlich betretten. Hab er angefangen mith  
heller stymme tzu schreyen. O heiliger Vater Ben  
no hilff disem kinde/vnd es mit einē wechssin opf  
fer tzu im gelobet/von stund hab die krankheit ab  
gelassen/vnd das kind anfahen tzu reden/frisch vñ  
gesund worden. Das er goth vnd dem heiligen va  
ter gros danck saget.

**E**in pfarrer im stift tzu Meyssen /hat ouch vor  
gemeltē Cōmissarien bey seyner Prister schafft ge  
tzewget vñ gesagt/Wye er in d Romfart im Law  
set vnd funffzehēhundertischē iare/mit tzuweyen an  
dern Pristern vñ etzlichē leyen seyne nachgebawrē  
ouch Meyssner Bistubs/gen Rom kōmē/zu mit  
terfastē/vñ als sie die heiligē sted heim gesucht. hab  
sich d ein prister d bey sechtzig iar alt gewest ser ge  
clagt/vñ hei an die herberig gāgē sich an ei bet gele  
get Den sie als sie hin nach kōmē/gefūdē habē mit  
einē schwerē fiber beladē/dz also zugenōmē/dz er

E iij

in Kurtz / sprachlosz wordē vñ gar von sinnen kōmē /  
im ouch die ougē gebrochē vñ todliche tzeichen an  
im gesehen / also sey er ein lange weyl vñ lenger dan  
ein stund gelegen / das sie stets meinethen er wurde  
den geist auffgeben. Do hab er ein grossen hellenn  
sewffzen gelassen / sein ougen auffgeworffen / vñnd  
anfahen tzu redē. Itzt was ich bey bischoff Ben  
no grab tzu Meyssen vñ kussēt seyn Pacifical / hoff  
es werd kein noth mit mir haben / sie darauff gebe  
ten sie wolten von im gehē / vñ in ein weyl schlaffen  
lassen. Nach dem schlaff / hab er sie widerumb tzu  
im geruffen / vñ gesagt / wie im bischoff Benno im  
schlaff erschinen / in einer Insel Alb vñ Lasel we  
ein bischoff angetzogē / vñd do er ine wollē anredē  
sey er vorschwundē / vñd er daruber erwachet. Der  
halb er angefangen tzu gelobē vñd vorheischē / wo  
im got auff hulffe / vñnd wider helm kōmen liessze /  
wolt er in sein haws nit kōmen / er wer dan vor bey  
bischoff Benno grab gewest mit eynē erlichē opf  
fer. Die selbē nacht sey die Franckheit vñd aller we  
tag durch ein grausamē schweys von im gedrungē  
vñd er morgens frischs vñd gesund auffgestandē.  
Die heiligē stedt tzu Rom heimgesucht / vñd dar  
nach mit inen widerumb hieher tzu land kōmen /  
vñd seyn gelobniß in ir aller gegenwertikeit volbra  
cht / in massen er die tzugesagt / Also habē ouch dye  
andern so do bey gewest all gleychlawtend getzer  
get vñd bey iren eyden außgesaget.

**Leyptzk.** Anno dñi. M. cccc. vñd. xvi. Ist Jo  
hannes Lōmatsch burger tzu Ley  
ptzk mit andern dreyen brudern tzu Sant Jacoff  
gangen / im heym wege seins willēs kegen Ache zu  
gehen / vñd so sie ins Stiff gen Vtrich quamē / do

selbst in einē dorffe sich des rechtē weges befraget/  
vnd habē aldo eynen Bleytz mā gebeten den wegē  
do hyn tzu weysen/vnd so in eynē walt kōmen/ sein  
xiiij. ader xvi. mēner mit harnischs wol geschickt/  
nach geuolget/vñ sie aller cleyd berobet/dye schwe  
zuszchnittē vñ gelt darynne gesucht/dartzu xv. guldē  
den genōmē. Also sein die pilgrā alleine in irē hem  
dē im walde furder gegangē/vñ so sie also berobet  
wurden hat der bemelte Johannes Lōmatzsch in  
seinem hertzen den heiligē Vater Bischoff Benn  
nen angeruffen in hoffnung das er durch seine vor  
bete wurde entlediget werdē/von stundt haben die  
Reuber nachgefolget/vñ ir talmetscher hat offent  
lich gesaget die Reuber erkennē das ir warhaftige  
Pilgram seyt/vnd mogen nicht wegē kōmen von  
der stad/so syc berobet. Nemet ewer gerethe vñ cley  
der vnd sibē guldē wyder vnd gehet in dem fryde  
gottes vnd bit got vor syc. So nu die Pilgrā for  
gingen/do wincket inen aber der Bleytz mā vñ gab  
inen auch wyder die hynderstelligē acht gulden vñ  
sprach das die Reuber nicht kondē wegē kōmen ad  
furder gehen/so lang das den Pilgram das aller  
wenigste wyder geben/vnd sulchs alles gescheen  
haben die Reuber die hende vff gehoben/die Pils  
gram frey lassen gehen. Sulchs groß wundwerg  
hat obgemelter Johannes Lōmatzsch dem groß  
sen vordinst des seligen Vatters Bennonis tzuge  
schryeben/vnd sein begrebnis in der vorgangē hei  
ligen fasten so man geschrieben Tausent funff hū  
dert vnd sibentzehen besucht/ Sein opffer gegebē  
vnd vleissig gebeten also einzuschreiben.

**I**n dem selbigē iare M.ccccc. vnd xvi. Ist ein kna  
be in xviiij. iarn / aus schwerer franckheit seinē syn

ne berobet vnd also vi. wochen mit stricken vnd fet-  
ten gebundē. So balde er zu dem seligē vatter Bis-  
choff Bennē gelobet/sein alle stücke vñ fettin vñ  
in selbst losz gewordē/vnd der knabe ist von stūdt  
tzu guter vornūfft kōmen. Doruber hat man funff  
gloubwürdige getzeuge vorhordt.

**Leyptzk.** Im xv. hundertē vñnd xvij. iare. Ist  
eins burgers tochter tzu Leyptzk in  
tziehendē iare ires alders/in beydē ougen gebrech-  
lich wordē/da durch im drittē monden ires gesich-  
tis gantz berobet/solchs hat gewerdt x gantze iar  
vnd wie wol ir eldern vil ertzney gebraucht vnd sye  
an vil orthe gelobet. Ist alles vn Hulfflich gewest/  
In dysem iare haben die eldern ir tochter zu bischof  
Bennē gelobet hat sie vñ stūdt dz lycht mogen erk-  
kennen/vnd so gen Meyssen vnd yn die kirchen mit  
iren eldern gekōmen/do sein von stundt alle hyn-  
niss ires gesichts weg kōmen vnd hat auß cynē sun-  
derlichen geist gesprochen/so sie in die kirche gefurd  
ist wordē. O sehet das begrepnis des heiligē vatter  
bischoff Bennen vnd von der stunde hat ir volkō-  
lich gesichte vberkōmen /des haben vater vnd mut-  
ter aldo getzeugniß geben vnd got gelobet.


Item M. cccc. xvij. Ein Weybls bilde von xxvi.  
Iarn ist aus zufelliger frantzheit des magens /im  
xvij iare ires alders worden Ptifica vnd die darre  
vberkōmen/vnd also newn iar tzu Reszebette gele-  
gen / also das keyne hoffnungē ires lebens meher  
gewest. So sye aber aus radt guter frunde sich tzu  
dem seligen vatter Bischoff Bennen gelobte ist sie  
in sechs tagen gantz frisch vnd gesunth worden.


**Bischoffwerde.** Anno 2c. M. cccc vii xvij.  
Paulus Bromā ein Be-  
cker tzu Bischoffwerde hat ein Knabē in funff iare  
der vō einē frembden gast vnuorschelich mit einem  
spieschlin oder schefflyn in seine styrne geschossen  
durch den hirnschedel / vnnnd seyn gchyrne also tzu  
knirschet ad vorferdt / das kein leben an im gespurt  
Nach dem gelobnis seiner eldern tzu dem seligen  
Vater Bischoff Benno / ist der Knabe lebēde blibē  
vnd in dreyen wochē ist dem kinde der hirnschedel  
wyder gewachsen / wyder den gemeinē lauff d̄ na-  
tur. D; habē die eldern dem heiligē vater gedāckt.

**Wye wol dyser und der gleyche**  
mirackel vnd wundtzeichē etzlich tau sent / bey der  
Kirchen tzu Meyssen auffgetzeichet vnd angeschri-  
ben sint. Hab ich doch dem leszer vordrysz tzuuor-  
meydē / dyse alleyn / die dan alle mit globhafftiger  
Kontschafft beweyset / od̄ bey den thenen / denen sye  
widerfarē / gewissen vnd guten getrawen erhalten  
wordē Dem lebē des seligē Vatters bischoff Ben-  
no hye mit wollē anhangen / da mit meniglich des-  
ster mher bewegt / seyn Canonisierūg vñ erhebug  
(die itzo vorhanden / vnnnd teglich bey dem stul tzu  
Rom gearbeit vnd sollicitirt wirdt) helffen tzu wer-  
den. Dan wye wol der almechtig / die an vnser tzu  
thun / vor lang wol hette mogen fugen vnd schickē /  
Wil er doch vnsern vleys / vnd andacht gegē seynē  
diner / hyrinnen ouch bewerer vnd vns der würdig  
vnd empfenglich tzu machen gnugsame tzeyt vnd  
stadt gebē / da mit vnser vordinst vnd belonūg bey  
im dester grosser werd. Dem wir lob / ehr / vñ dāck  
sagen in ewigkeit. Amen.


Diese legendt hath getrucketh  
Melchiar Lotther zu Leyptzk zu  
Eru dem Seligen vatter bischoff  
Henno im M. cccc. vñ xvij. iare.

*[Faint, illegible text, likely bleed-through from the reverse side of the page.]*














EPI  
P  
BE  
N  
VI